

Adrian





C. 67. f.

14-16. B. 3



HYGIASTICON

SEU VERA RATIO .

VALETUDINIS BONÆ
& vitæ

Vnâ cum Sensuum, Iudicij, & Memorix integritate ad extremam senectutem
conseruandæ :

Auctore LEONARDO LESSIO
Societatis IESV Theologo.

Subiungitur Tractatus Ludouici Cornari Veneti, eodem pertinens, ex Italico in Latinum sermonem ab ipso LESSIO translatus.

Editio tertia.



MEDIOLANI, Apud Io. Bapt. Bidell. 1615.
Superiorum permissu.

Cornelio Francescu.

Imprimatur.
Comissarius S. Officij.
Gul. Vidonus Theol. S. Nazarij pro Illustris,
D. Card. Archiepisc.
Vidit Saccus pro Excellentiss. Senatu.

ILLVSTRISS. DD.

D. GREGORIO
A B B A T I,



D. Sigismundo Marchioni, ac ordinis Callatrae equiti, D. Ioanni Baptistæ, D. Carolo, D. Ioanni, ac duobus S. Ioannis Equitibus D. Petro, ac D. Philippo fratribus Sfondratis.

Io. Baptistæ Dilectus F.



Offero vobis, Fratres Illustrissimi, opusculum multis nominibus nobis vestro debitum: Quod si ad eos pertinebat, quos ego maxime omnium amarem, ac colerem, quibus potius, quam vobis dicarem? Quorum ego ob generis nobilitatem, atque animi do-

tes me cupidum adeo, obser-
uantemq; profiteor, vt amo-
ris, & obseruantiaē magni-
tudine tam superetur vires,
quā animus delectatur. Fa-
miliae autem vestrae splendo-
rem, ac dignitatem tantam
esse nemo nescit, vt retine-
re quidem possitis, augere
nequeatis. Huius rei testis
locupletissimus Gregorius
XIV. Pont. Max. cuius vos
pronepotes estis; vt Equites,
Senatores, Comites, Mar-
chiones, Ducum, Regum-
que, Consiliarios, atque Le-
gatos ad Potentissimos ter-
rarum reges, Exercituum
Imperatores, Episcopos, ac
Cardinales, quibus semper
domus

domus vestra floruit, silentio præteream, præsertim cum de ipsis fama satis loquatur, & ego sciam vos ex Maiorum gestis non laudem quærere, sed laudum incitamenta. Ad quas ita toto pectore incumbitis, ut tanta reliquis vos imitandi spes sublata sit, quanta vobis ostenditur æternæ gloriæ consequendæ. Quare doctorum hominum opera nullibi aptius esse arbitror, quam domi vestræ, quæ literarum domicilium, & Mediolanensis Parnassus non immerito vocari potest. Vos igitur, qui in pios, & literatos homines mirifico

studio, atque officio esse so-
letis, Lessij, in quo mirifica
humanarū diuinarumq; re-
rum cognitio summa cam-
pietate coniuncta, opus ob-
uijs, vt aiunt, vlnis excipite :
Quiq; in numerum nobiliū
Venetorum ab ipsis incuna-
bulis relati estis, Veneti ho-
minis libello domum vestrā
venienti aditum ne interclu-
datis. Me, qui vobis diutur-
na vita dignissimis diutissi-
me viuendi rationem exhi-
beo, amate, & Sfondratorū
nomini addictissimum in-
vestra tutela esse patimini,
Valete, & diu vobis, patriæ-
que viuite M. DC XV. Kal.
Iunij. Mediol.

HYGIASTICON

SEV

VERA RATIO

VALETVDINIS

CONSERVANDAE.



Multi Auctores eruditè & copiose de conseruanda bona valetudine scripserunt: sed tot præceptis onerant homines, tot obseruationes & cautiones requirunt circa cibi potusque qualitatem & quantitatem; circa aerem, somnum, exercitia, tempus anni, purgationes, sectiones venæ, tot condita, opiata, & alia remediorum exquisitorum genera præscribunt, vt affidua sollicitudo ad ea seruanda debeat adhiberi, & mera seruitus fit, illa conari præstare. Accedit quòd effectus sit exiguus & sæpè nullus, dum id quod præcipuam vim habet, non obseruatur. Volunt enim homines liberè omnibus vesci quæ palato grata, & quantum appetitus desiderat: volunt se communi vsui accommodare, & sensualitati ac orexi indulgere. quo fit vt illarum præceptionum & obseruationum custodia parum illis profit. Quam ob causam plerique neglectis Medicorum præceptis, omnia, naturæ &

eventui committunt. Miserum putant, ex Medicorum præscripto vivere, iuxta dictum vulgare, *Qui medicè vivit, miserè vivit*; miserum non posse quibuscumque cibis qui apponuntur, copiosè vesci, non posse vixquam appetitui satisfacere, & ventrè satiari. Itaque comedunt bis tervè per diem abundè, quantum appetitus postulat, ex quolibet ciborum genere. Deinde sumpto cibo, functionibus mentis ad aliquot horas incumbunt: nec unquam in animum inducunt ut purgationes statim temporibus sumant, nisi morbi sensus urgeat, putantes omnia salua, cum nihil sentiunt adversi, hinc fit ut sensim erudis, & noxiis repleantur succis & humoribus, qui diuturnitate non solum augentur, sed etiam putrescunt, & maligniores redduntur; adeo ut oblata levi occasione, vel ab æstu & frigore, vel à profectione, aliòve labore, vel à ventis, vel ab alio aliquo excessu, & incòmodo, accendantur, & in letales morbos facessant.

2. Vidi ego multos viros præstantes in florenti ætate hac sola causa abreptos; qui si curandæ valetudinis rationem tenuissent, implurimos annos ætatem prorogare, & sua doctrina, vel præclaris factis magna commoda mundo adferre, & sibi longè maiorem coronam in cælo promereri potuissent. Multi etiam sunt tam in Religionibus quàm in sæculo, qui huius rei imperitia sæpè malè valent, nec ita possunt studiis, aliisque mentis functionibus vacare; sicut & ipsi optarent, & eorum vocatio

Valetudinis Conseruandæ. 9

postulat.

Quæ cum multis iam annis in uariis locis considerassem, cogitavi operæ pretium me facturum, si eam rationem conseruandę bonę valetudinis proponerem, quæ & ipse me plurimis annis in multis corporis incommodis (post iudicia præstantium Medicorum, qui solum biennium vitæ tribuebant) sanum, & ad omnia mentis officia expeditum præstiti, & alij tum in nostra Societate, tum extra, se diutissimè incolumes & alacres tuentur, & superioribus sæculis sancti viri & philosophi plurimùm vsit sunt. Ea potissimùm sita est in recto victus ordine, & cibi potusque certa moderatione; non molesta, quæ affligat & debilitet, sed naturę accommoda, quæ recreet, & vires corroboret.

Hæc cogitanti exhibitus est a viro illustri libellus quidam de Vita sobria, Italico sermone conscriptus, auctore D. Ludouico Cornaro Veneto, magni ingenij viro, honorato, opulento, & coniugij vinculis adstricto, in quo mirificè hæc ratio commendatur omnibus, & multa certa que experientia comprobatur. Valdè recreatus fui libelli huius lectione, planeq. dignum iudicavi, quem in Latinum sermonem translatum omnibus facerem communem: præmisso hoc meo Tractatu exegetico.

Neque hæc tractatio aliena videri debet ab instituto meo, qui Theologiam, non ar- Argu-
tem Medicam profiteor. Nam præterquam mētum
quòd Medices theoriam olim non leuiter hoc non

A 5

atti esse

lienum attingi; res hæc à Theologi instituto non est
a thea- aliena. Agitur enim de virtute pulcherrima
logi in- Temperantiæ: in quo nimirum ipsa confi-
stisus. stat, quod sit eius medium, quæ mensura ob-
iecti: quomodo hæc mensura inuestiganda:
denique qui fructus ex ea nascentur. Itaque
hæc consideratio non ita est medica, quin
etiam suo modo ad Theologiam, & mora-
lem Philosophiam pertineat. Accedit quòd
finis & scopus, quem hac in re potissimum
specto, Theologo sit dignissimus. hic est, ut
plurimis viris religiosis, & aliis pietati addi-
ctis suppetat commoda ratio, qua Deo Do-
mino nostro longo tempore facilius, letius,
& feruentius seruiant, cum magna sua spiri-
tuali voluptate, & ingenti merito æternæ
gloriæ. Incredibile enim dictu est, quanta
facilitate & interna consolatione vacetur
orationi, recitentur præces canonicæ, pera-
gatur Missæ sacrificium, incumbatur medita-
tioni rerum diuinarum, legatur sacra Scri-
ptura ab ijs, qui vel cum mediocri talium re-
rum scientia, sobriæ vitæ sunt addicti. Hic
meus præcipuus scopus in hoc Tractatu &
hoc meum summum votum. Omitto quan-
tum momenti adferat etiam aliis omnibus
ad studiorum progressus, & ad omnia nego-
tia, quæ mente & ingenio peraguntur, faci-
lius & felicius peragenda. Verum de his &
aliis commodis infra ex professo dicemus.
Itaque siue materiam spectes, siue scopum,
non debet hæc tractatio aliena à Theologi
instituto videri. Habes, Lector, rationē mei
in hoc opusculo instituti.

Valetudinis Conseruandæ. I I

Itaque ut rem ipsam aggrediamur, Primum dicemus, Quid intelligatur nomine *Vitæ sobriæ*. Secundò, Qua via & ratione possit iusta mensura in eius obiecto constitui. Tertiò, Qui sint eius fructus & com-
moda.

Quod ad primum attinet: *Vitam sobriam* hic vocamus, non solum quæ modum sita-
tuit in potu, sed etiam in cibo: ita ut non
amplius cibi vel potus assumatur, quam
corporis constitutio in ordine ad functio-
nes animi postulet. Eandem vocamus *Vi-
tam ordinatam, regulatam, temperatam*. his
enim nominibus idem significamus. Itaque
materia circa quam potissimum versatur
hæc vita, seu Temperantia, est cibus & po-
tus; in quibus debitam mensuram constan-
ter seruat. Secundariò tamen, & posteriore
cura cauet etiam ab aliis excessibus, v. g. ni-
mio æstu, frigore, fatigatione, & similibus
quæ valetudinem ledunt, & functiones ani-
mi impediunt.

Mensura illa non est eadem respectu om-
nium, sed diuersissima, pro diuersa corporis
constitutione, robore, ætate. Alia enim con-
uenit ætati florenti, alia senili; alia robusto,
alia debili; alia sano alia ægro; alia corpori
bilioso, alia pituitoso. Diuersa enim in his
est facultas ventriculi: cui facultati hæc me-
sura exactè, quantum fieri potest, debet esse
æqualis & commensa. Ea enim est
cuiusque, quâ facultas ventriculi ipsius in-
ter occupationes animi & corporis, quibus
ille distinctur, perfectè potest concoquere,
A 6 & alen-

& alendo corpori facis est.

Dico inter occupationes animi & corporis, &c. Quia maior mensura congruit illi qui corporis exercitiis est deditus, & corpus assidue exercet, quam ei qui totus est in studiis, meditatione, oratione, aliisque mentis functionibus. Functiones enim animi valde impediunt & retardant concoctionem: vel, quia dum totam vim animæ sursum trahunt, actiones virium inferiorum quodammodo suspendunt; ut experimur cum attentis studiis vel orationi nec horas audimus, nec ea quæ ante oculos sunt, aduertimus: vel, quia spiritus non solum animales, sed etiam vitales & naturales auocant. Hinc sæpè fit, ut depto minus cibi ac potus conveniat ei, qui studiis & mentis functionibus est intentus, quam ei qui assidue corpus exercet; etiam si viribus alioquin & ætate sint pares.

Itaque difficultas est in hac mensura invenienda. Quod etiam notauit S. Augustinus lib. 4. contra Iulianum cap. 14. ita scribens: *Iam verò, cum ad usum ventum fuerit necessariæ voluptatis per quam reficimus corpus quis verbis explicet quemadmodum nos modum necessitatis sentire non sinat, & ipsum limitem procurandæ salutis (si qua adsint delectabilia) rapiendo abscondat & transeat, putantibus nobis satis non esse quod satis est, dum libenter eius prouocationibus ducimur, existimantes nos adhuc agere negotium valetudinis, cum agamus potius voluptatis. Ita nescit cupiditas, ubi finiatur necessitas.* Quibus verbis causam huius difficultatis refert in voluptatem, quæ facit

Valetudinis conseruandæ. 13

facit, vt non sentiamus qñ ad debitam mensuram peruentum fuerit, & abscondit illum limitem, vt eum transiliamus, nobisq; persuadet nos agere causam sanitatis, cum agamus voluptatis. Itaque de hac mensura, quibus obseruationibus sit inuestiganda, nobis secundo loco dicendum: allatis ad eam rem quibusdam regulis, è quibus illa colligi possit. *Quomodo mensura inuestiganda.*

Sed hic occurrent forte aliqui: Non opus esse, vt in monasterijs quispiam de ea mensura sibi præfigenda sit sollicitus, cum ipse Ordo, vel Superiores prudenti iudicio hanc mensuram definierint, constituendo vt pro ratione temporis tot portiones apponantur tantum piscium, vel ouorum, vel carniũ; tantum leguminum, orizæ, sorbitionis, fructuum, casei & butyri: tantum cereuisiæ, & vinis omnia certo numero & mensura definita. Possumus ergo omnia ista tutò sumere, nec debitam mensuram excedemus. Hi catarrhos, tussis, dolores capitis & stomachi, febres, & alios morbos, quibus sæpè conflantur, non putant prouenire ab excessu cibi vel potus, sed assignant ventis, auræ malignæ, vigilijs, nimio labori, & similibus causis extrinsecis. Sed falluntur manifestè. Vbi enim est tanta diuersitas corporum, & virium ventriculi, non potest eadem mensura omnibus esse accommodata; sed quod huic robusto & iuueni est æquale, illi debili & seni in duplum vel triplum est nimium: vt benè docet D. Thomas 2. 2. q. 141. a. 6. Aristotelem secutus; estque per se satis clarum.

Itaque

Itaque non eo consilio ea portionum quantitas & multitudo à Superioribus est constituta, ut quilibet sibi persuadeat hanc mensuram sibi congruere; sed ut etiam robustissimi satis haberent: ceteri verò ex diversis sumerent quod placeret (tamen ea mensura, quam ratio distaret) & in ijs quæ relinquerent, haberent occasionem meriti fræmando gulam. Non est difficile dum illecebræ absunt, temperantiam præstare; sed esurire inter epulas, & cohibere ventris ingluviem irritamentis præsentibus, hoc opus, hic labor est, præsertim iunioribus, & alijs nondum gulam penitus domitam habentibus, ac proinde magni apud Deum meriti. Unde ne in Religionibus hæc augendæ coronæ occasio desit, subinde aliquid amplius & in varietate, & in quantitate conceditur, quàm temperantiæ mensura requirat.

Nec obstat quòd illa dicantur dari ad aliquam naturæ recreationem, quia hæc recreatio non consistit in eo, ut consueta temperantiæ mensura tunc notabiliter excedatur, sed ut varietate quadam, vel grato ciborum, qui rarius dantur, sapore delectetur, semper tamen intra mensuram temperantiæ, ita ut appetitus non omnino satiatur. Quidquid enim hanc mensuram excedit, in vitio ponendum, siue nuptiæ sint, siue encænias, siue quævis alia cõviviõrum solemnitas. Excedit verò quidquid superat eam quantitatem, quam ventriculus potest perfecte concoquere, nulla cruditate relicta.

Ad hanc mensuram deprehendendam, uti
pos.

possumus hisce regulis, & obseruationibus.

Prima Regula. Si tantum ordinariè sumas, vt postea parùm sis aptus functionibus mentis, orationi, meditationi, studijs litterarum, perspicuum est te mensuram iustam excedere. Natura enim, & ratio postulat, vt pars vegetans ita foueatur, vt facultas animalis & rationalis non offendatur; quia illa his seruire debet, & esse adminiculo ad earum functiones, non impedimento. Cum ergo tantum ingeritur pro parte vegetante, vt functionibus superiorũ facultatum, nempe sensuum, imaginatricis, intellectus, memoriæ, notabile detur impedimentum; signum est congruentem mensuram excedi. Prouenit hoc impedimentum ex vaporum qui potissimùm è ventriculo in caput emittuntur, redundantia: qui modicè tantum emitterentur, si mensura non excederetur, vt experientia constat. Nam qui sobriam vitæ rationem sectantur, tam sunt ad omnes animi functiones expediti post cibum quàm ante: vt Auctor noster, quem infra subiunximus, sæpè testatur, & ipse quotidie experior & alij plurimi in nostra Societate experientia docti nouerunt. Imò sancti Patres, qui solum semel per diem cibum sumebant, ita parcè id faciebant, vt nullo modo in functionibus animi impedirentur; quantò facilius id præstare possunt qui illam quantitatem diuidunt, & gemina refectione modicè vtuntur?

Dixi fumos istos, qui cerebri serenitatem obnubilant, potissimum prouenire è ventriculo

culo cibi assumptis: quia etsi hæc præcipua sit causa, non tamen sola. Non enim solum e cibo recens assumpto, qui iam efferuescere & concoqui incipit, proueniunt: sed etiam e copia sanguinis & humorum qui sunt in hepate, liene, & venis; qui simul incalescunt, & magnam vim huiusmodi fuliginum furium mandant. Verum sobria vita sensim hanc plethoram vel cacochymiam castigat, & ad debitum modum tum in quantitate, tum in qualitate reuocat: ad eò ut cibo assumpto non amplius huiusmodi fuligines in caput emittant. Quando enim natura perfecte suos humores per facultates vegetantes regit; ita omnia dispensat, ut neque ulli nascentur morbi, neque functionibus superioribus præbeatur impedimentum.

Nec refert quod multi viri sobrietati dediti à prandio se tradant quieti, & paulisper dormiant: quia id ob eam causam faciunt, ut vires laboribus mentis vel corporis antea fatigata, somno recreentur, & spiritus consumpti reparentur. Ad utrumque enim seruit somnus. Deinde somnus iste est breuissimus; & nisi consuetudine vel fatigatione aliqua tenerentur, facillimè possent illum declinare. Nonnulli somnum hunc diutius protrahunt, sed tantumdem postea nocturnæ quieti deträhunt, in duas veluti partes totam corporis quietem partientes.

Secunda Regula. Si tantum cibi vel potus assumes, ut postea sentias torporem quemdam, gravitatem & lassitudinem corporis, cum antea esses agilis & excitatus; signum est

Valitudinis conseruandæ. 17

est mensuram congruentem excedi: nisi forte ex morbo, vel morbi reliquijs, id proueniat. Cibus enim & potus, naturam & vires corporis recreare debent, & alacriores reddere, non grauare, & opprimere. Qui ergo ita constituti sunt, vt grauamen sentiant; his dimensum diurnum minuendum, præuia diligenti consideratione, vtrum excessu ciborum hoc incommodum proueniat, an potioris, an vtriusque: eoque deprehenso, sensim corrigendus, donec ad eam mensuram redigatur, ex qua non amplius sentiat incommodum.

Multi hic falluntur, qui etsi largè comedant & bibant, cibisque alimentosis vtantur, tamen semper queruntur se debiles, & putant id ex defectu alimenti & spirituum prouenire: vnde cibos maioris alimenti poscunt; & manè ad ientaculum properant, ne videlicet natura deficiat alimenti inopia. Verùm falluntur, vt dixi, & miserum corpus succio nimio grauatum magis grauant. Hæc enim debilitas in huiusmodi non prouenit ex defectu; sed ex humorum copia (vt plerumque etiam habitus ipse corporis ventrisque tumor indicant) qui musculos, & spirituum vias & meatus, neruos inquam, nimirum humectant. quo fit vt spiritus animalis (à quo tamquam vniuersali, & proximo animæ instrumento, omnis vigor corporis in sensu & motu) liberè commear, & corpus regere nequeat. hinc illa debilitas & corporis grauitas, sensuumque corporis, spirituum animalium per plethoram quodammodo inter.

cepto. Docet id in plurimis plethoricis & cacochymis corporibus quotidiana experientia, quæ cum tempore matutino sunt languida & torpeant ob nimiam humiditatem ex pridiana cœna & somno nocturno relictam, consumpta per inediam & apophlegmatismos humiditate, sensim sunt alacriora, & magis magisque vegeta, crescitque ille vigor usque ad vespertinam, etiam si valde parum, vel nihil sumatur meridie. Quod si durante ista humiditate & debilitate rursus comedant, præsertim humida, & notabili quantitate, augetur malum, & manent in suis miserijs. Itaque si quis agilis, & ad omnem motum ac sensum usum expeditus esse velit, minuendi humores per dietam, ut spiritibus toto corpore sit liber commeatus, & anima illos ubique ad omnem motum, omnesque functiones corporis, paratos habeat.

13. - Tertia Regula. Ab inordinata vivendi ratione non est immediate transeundum ad exactam regulam, sed id sensim faciendum, minuendo modicis subtractionibus consuetam quantitatem, donec ad eam perveniatur mensuram, quæ non amplius animi functiones offendit, nec grauat corpus. Est communis Medicorum doctrina. Omnes enim subitæ mutationes, si sint notabiles, offendunt naturam, propter consuetudinem (quæ veluti est altera natura) à qua violentè receditur, & inducitur quod illi est contrarium. Sicut ergo id quod est contrarium naturæ, vehementer sentitur & affligit: ita quod est

Valetudinis conseruanda. 19

contrarium consuetudini, quando illa adhuc viget. Vnde sensim & exiguis momentis recedendum. Sic enim inolitæ consuetudo veluti per exiguas particulas gradatim tollitur, & eneruatur, sicuti gradatim ætæ creuit: ac proinde modicè sentitur, parumque molesta est talis mutatio.

Quarta Regula. Etsi non possit certa quantitas statui quæ omnibus sit accommodata, propter ætatum viriumque varietatem, ciborumque discrimina: ad senium tamen vergentibus, & debilibus communiter satis esse videtur 12. 13. vel 14. vnciæ cibi per diem, computato pane, carne, ouis, vel alijs obsonijs quibus quisque vescitur; & totidem vel paulò plures vnciæ potus. Ita sentiunt quidam ratione probabili, & experientia ducti. Hoc intellige de ijs qui parum corpus exercent, & toti studijs, vel alijs mentis officijs sunt addicti. Sanè D. Ludouicus Cornarus, cuius opusculum de vita sobria hic subiecimus, hanc mensuram probat, eamque sibi anno 36. ætatis præscripsit, & vsque ad finem vitæ tenuit. vixit tamen diutissime, & sanissime. Sancti quoque Patres in eremo, & si solo pane vescerentur, & aquam biberent, hanc mensuram non excedebant, sed eam passim in monasterijs etiam lege statuebant, vt scribit Cassianus collat. 2. abbatibus Moysis cap. 19. vbi abbas Moyses interrogatus quisnam esset optimus imperantia modus, ita respondet: *Super hac re inter maiores nostros frequenter nouimus habitum fuisse tractatum. Nam discutientes conti-*

14

21

nentias diuersorum, qui vel solis leguminibus, vel oleribus tantum, vel pomis vitam iugiter exigebant, præposuere cunctis illis refectiorem solius panis; cuius æquissimum modum in duobus paximacijs statuerunt, quos paruulos panes vix libræ vnus pondus habere certissimum est. Itaque in singulos dies circiter 12. vncias panis statuebant instā mensuram, quæ omnibus passim satis esse posset libra enim apud veteres est 12. vnciarum, non 15. vt apud nos.

35 Quidam putant singula paximacia fuisse vnus libræ: & ita intelligunt verba abbatis Moysis, quos paruulos panes, singulos nimirum. Sed non id de singulis, verum de duobus iunctim esse intelligendum, videtur manifestum, si res attentè consideretur. Primum, quia voluit exprimere quantum tota mensura, quæ duobus paximacijs cōstabat, penderet; non quantum singula paximacia. Deinde, quia illa mensura panis censebatur satis exigua, & valdè difficilis seruatu; vt idem abbas Moyses docet cap. 21. Atqui si duo paximacia erant duæ libræ panis per diem, non fuisset ea mensura exigua, nec difficilis ad seruandum: maximè senibus. Quis enim tanta quantitate panis assumptā non habeat satis, aut dicatur modicè aut parum sumpsisse? Inò mirum videretur etiā apud nos, quibus regio frigida, si religiosus aliquis vna refectiōe duas libras panis comederet: nec ille (quod ad quantitatem attinet) abstinent & sobrius censeretur, sed potius multi cibi, & vorax. Præterea duo paximacia

macia adeò non explebant famem, vt quidam mallèt biduo ieiunare, quàm quotidie cum alijs refici: nimirum vt duplicatâ portionemsumerent, & appetitui satisfacerent: vt refert idem abbas Moyſes c. 24. vbi etiam id improbat. At quis exercitijs mentis deditus, comedat vna vice 4. libras, ſiue 48. vncias ſicci panis? Deniq. vt idem abbas Moyſes refert cap. 11. abbas Serapion cùm adhuc eſſet puerulus; poſtquam tempore reſectiõis hora diei nona cum alijs ſumpſiſſet duo paximacia, adhuc famebat; & idcirco furabatur tertium, quod poſtea clanculum comederet. At quis puerorum tres libras panis comedat? Itaque certum videtur ſingula paximacia fuiſſe ſolùm ſex vnciarum, & duo ſimul iuncta pèdiſſe circiter libram.

Quòd ſi illi Patres per longam experientiam ſatis eſſe iudicarunt duodecim vncias panis ſicci abſque vllò obſonio, & cum hac diæta ad extremam ſenectutem ſani, & ſenſibus integri peruenerunt: quanto magis ſatis eſſe poterunt 6. 7. 8. vnciæ panis cum 6. vel 7. vncijs optimorum obſoniorum, quæ duplo plus alunt quàm ſiccus panis? His accedit loco aquæ (qua illi utebantur) quæ per ſe non alit, cereuiſia vel vinum, quæ multum alimenti præbent. denique experientia conſtat, multos eſſe quibus longe minus cibi & potus ſatis ſit.

Eſt hic potiffimum de debilibus, vel ad ſenium vergentibus, ſermo ſit: tamen valdè probabile ſentio, ſupradictam meſuram etiam ſanis, robuſtis, & in ætatis flore cõſtitutis



tutis ordinarie sufficere, si multum orationi, studijs, alijsve mentis functionibus sint dediti. Probant hoc infinita exempla sanctorum uirorum, qui etiam ab anno 15. 16. aut 20. hanc mensuram vel etiam minorem sunt complexi: etiam si solo pane & aqua, vel paucis oleribus aut leguminibus uterentur: & tamē diutissimē, sanissimē in summis laboribus mētis, & maxima corporis afflictatione vixerunt: ut videre est in plurimis, quorum vitæ extāt: ex quibus aliquot referemus infra. n. 35. Deinde, quia in plurimis Monasterijs hæc mēsurā communiter lege sãcta erat tamquam ordinariē omnibus tam iunioribus quàm senioribus sufficiens. Vnde Patres illi, qui maximam harum rerum experientiam habebant, & optimē norant quantum natura requireret, iudicant hanc mensuram ordinariē omni grati posse sufficere. Idē sentit noster Auctor, & suo exemplum probat: nam ab anno 36. ætatis inceptit.

Quod verò quidam hic obijciunt de panatella, eam facillē septem, octo, vel nouem uncias continere, ac proinde tunc non nisi tres vel quatuor uncias panis & obsoniorum restare; facillē soluitur. Nam esculenta & potulenta si misceantur (ut in panatella & similibus menestris) seorsim expendenda sunt, & in suum reducenda ordinem, ad constituendam debitam mensuram. Liqueor enim potabilis, ad mensuram potus pertinet, panis, ad mensuram eduliorum. Verum nostri instituti non est, hæc minuta persequi. satis est ostendisse generatim, illam mēsuram

suram à ratione non abhorreere.

Quinta Regula. Quod ad qualitatem attinet, ea non est magnopere curāda, si sano sis corpore, & tale genus cibi vel potus naturam tuam non offendat. Omnes panes cibi communiter vsitati naturę benè constitutę congruunt, si debita in illis mēsurā seruetur. Vnde etiam solo pane cum lacte, butyro, caseo, & ceruisia, diutissimè & sanissimè quis viuere potest; præsertim qui à puero ita consuevit. Ab ijs tamè quę nocent cauendum, etiam si palato alioquin sint gratissima, ne magna saltem quantitate sumatur. Talia ferè sunt pingua, quę & stomachum relaxant; eiusque vires in astrictione sitas dissolunt, concoctionem reliquorum ciborum impediunt, eosque semiconfectos & semicrudos stomacho excidere faciunt; in caput fumos copiosè emittunt; vnde nebulę, tussēs, asthmata, aliaque pulmonis mala. Denique ipsa nisi probè concoquantur (ad quod opus est & stomacho bono, & tempore diuturno) vertuntur in prauos humores materiamque febrilem, dum partim in biliosos, partim in phlegmaticos succos facessunt. His igitur studiosis vtrius vtendum parcius, adhibita sufficienti panis quantitate. Sic enim eorum noxa magna ex parte impeditur.

Talia item sunt omnia, quę experientia teste, vel capiti suffusiones, nebulas, vertigines, destillationes aut tussēs adferunt; vel ventriculo cruditates, inflationes, tormina, morsus, lancinationes faciunt; vel alia ratione statum corporis, aut animi functiones

Etiones lædunt. Absurdum enim est tantis incommodis tam vilem ac breuem nundina regulæ voluptatem. Nulla re magis proficitur quis se regulæ mancipium, quàm si, ut illi satisfaciatur, noxia ingerat. Cùm dicitur ab his cauendum, non sic intelligas, quasi ne parè quid liceat uti (sicut quidam à brassica, cæpis, caseo, fabis & pisces, metu humoris melancholici, biliosi, viscosi, inflationis, scrupulosè abstinent) sed ne assumantur notabili copia. Exigua enim quantitate, vel rariùs assumpta nocere non possunt, præsertim si grata appetitui. Imò sæpè quæ magna quantitate obsunt, modica naturæ profunt.

Inter omnia ciborum genera, senibus & debilibus nihil cōueniētius panatella; quæ sola cum vno vel altero ouo saluberrimè quis & diutissimè viuere potest; ut auctor noster testatur. Panatellam Itali vocant pultriculam, quæ ex pane & aqua, aut carniū iusculo, simul coctis constat. Ratio cur hæc sit maximè conueniens, est, tum quia concoctu facillima, cùm iam sit instar illius chyli quem stomachus ex cibis concoctione efficit: tum quia qualitatibus est temperatissima: tum quia putredini & corruptioni minimè obnoxia, ut multi alij cibi, qui in stomacho putrescunt. Denique copiosus & probus sanguis ex ea conficitur. Facile etiam aliquid additur, quo vel calidior euadat, vel magis alimentosa. Vnde meritiò dixit Sapientis Ecclesiastici 29. *Initium vitæ hominis aqua & panis* Quibus verbis significat vitam hominis his duobus potissimùm fulciri & con-

Valetudinis conseruandæ. 29

constare, eaq; vitæ conseruandæ esse maximè conuenientia; vt frustrà pretiosæ carnes & pisces, aliaq. gulæ irritamenta quærantur.

Plutarchus lib. de sanitate tuenda non probat carnes. ita enim scribit: *Maxime eruditates metuendæ sunt ab esu carniū. Nam hæc & initio statim valde prægranant, & reliquias post se malignas relinquunt. ac optimum quidem erat ita corpus assuefacere, vt nullum id carniū requireret esum. Non enim ad nutriendum modò sufficientia largiter tellus producit, sed etiam ad delectationem & voluptatem: quibus partim nullum alium apparatus requirentibus vesci possis, partim sexcentis modis miscere & suauia reddere. Ad cuius sententiam accedunt multi Medici, eamq. probat experientia. multæ enim sunt nationes quæ rarò carne vescuntur, sed potissimum viuunt oriza & fructibus, & tamen diuitissimè viuunt & sanissimè, vt Iaponij, Chineses, Africani multis regionibus, & Turcæ. Idem cernitur in plurimis agricolis & mechanicis, qui ordinariè vescuntur pane, butyro, pulicula, legumine, herbis, caseo; carne rariùs; & tamen corpore sunt non solum sano, sed etiam firmo vitæque diuturnæ. omitto Patres qui in eremo vitam egerè, & omnia antiqua monasteria.*

Sexta Regula. Quibus bona valetudo curæ est, iis maximè cauenda ciborum varietas, & exquisita condiendi ratio. Hinc doctissimus Medicus Disarius apud Macro-
bium l. 7. Saturnal. c. 4. & Socrates monent,

B illos

illos cibos potusq. vitandos, qui ultra fecim
 famemq; sedandam appetentiam producerent.
 Idem est commune Medicorū præceptum.
 Ratio est, quia illa varietas semper nouo
 modogulam prouocat, & appetitum exci-
 tat, vt nunquam videatur satis sumptisse.
 quo fit vt iusta mensura enormiter exceda-
 tur, & triplo vel quadruplo amplius sumat-
 ur, quàm natura postulet. Deinde quia di-
 uersorum ciborum diuersa est natura, di-
 uersum temperamentum, & sæpè contra-
 rium: quo fit vt alii citiùs, alii tardiùs con-
 coquantur. Hinc mira in ventriculo crudi-
 tas, & totius concoctionis deprauatio; hinc
 influtiones, tormina, colicæ obstructions,
 renum dolores & calculi: itaque & ratione
 quantitatis nimis, & ratione varietatis, ma-
 xima chyli seu succi, ex quo sanguis confi-
 ciendus, cruditas & inquinatio. Vnde Fran-
 ciscus Valeriola insignis Medicus, locorum
 communium lib. 2. cap. 6. hac de re dispu-
 tans, ait: *Ciborum varietate & copia in eadem
 mensa, & productione in longas moras, nihil
 nocentius homini ad salutem, omnibus ex æquo
 Medicis visum est.* Vide plura hac de re pul-
 chrè disputata apud Macrobiū loco cita-
 to. Scribit Xenophon lib. 1. de dictis & fa-
 ctis Socratis, eius dietam fuisse simplicissi-
 mam ac tenuissimam, aded vt nemo sit, qui
 non possit facili negotio talem sibi parare.
 minimo enim sumptu opus fuisse. Athenæus
 lib. 2. refert ex Teophrasto, Phalinū quen-
 dam nullo alio cibo vel potu totius vitæ
 decursu vsū, quàm lacte solo. alios mul-

Valetudinis conseruanda. 27

tos ibidem commemorat, qui victu simplici
vñ. De Zoroastre refert Plinius lib. 11. cap.
42. eum 20. annos in deserto vixisse solo
casei esu, qui ita temperatus erat, vt vetu-
statem non sentiret. Denique & olim om-
nibus sæculis, & modò apud omnes gentes
illi salubriùs & diutius viuunt, qui simplici
tenui ac vulgari ratione victus vtuntur.

Septima Regula. Cùm tota difficultas in 20
constituenda seruandaq; iusta mensura,
proueniat ex appetitu sensuali, & appeti-
tu ex apprehensione imaginationis, qua
cibi concipiuntur vt delectabiles, danda
maximè est opera, vt talis imaginatio cor-
rigatur. Ad quod hæc duo inter cetera mul-
tum valent. Primum, Subducere se ab epu-
larum conspectu, ne specie & odore suo
imaginationem excitent, & gulam alliciãt.
Præsentia enim obiecti naturaliter mouet
potentiam. Multò difficilior est continere
appetitum epulis præsentibus, quàm absen-
tes non concupiscere. Idem accidit in aliis
omnibus sensuum obiectis & lenociniis.
Secundum, Imaginari res eas ad quas gula
incitat, non vt blandas, odoratas, suaves,
palato oblectabiles, quales modò videntur,
sed vt fædas, sordidas, olidas, detestabiles,
quales mox futuræ. Quælibet res dum in
sua resoluitur principia, tunc apparet qua-
lis re vera sit, & quidnam sub amabili illa
specie latebat. At quidnam putentius aut
fædius illis deliciis, simulatque leuem alte-
rationem in stomacho subierint? Imò quò
quid gulæ videtur gratius, eò mox euadit

detestabilius, & maiorem fœtorem exhalat. Vnde qui deliciis diffluunt, nisi externis odoribus utantur, graecolentia corporis sui molesti sunt, intar cadaverum putentes. Similiter excretioncs tcterrimo sunt odore, & halitus fœtor intolerabilis. Contrâ fit in rusticis & mechanicis, qui pane cibario, caseo, & aliis cibis vulgaribus tēperatē utuntur. Meritō sic à Deo comparatum est, ut delicias discamus aspernari, & simplici victu esse contenti. Itaque hæc sæpè animo voluenda, & imaginatio in hunc modum assuefacienda.

21 Verum occurrunt hic duæ dubitationes. *An mē* Prima est, Vtrum mensura cibi & potus, si-
sura sit militer & qualitas non sit varianda secun-
varian dum tempus anni. Plus enim videtur assu-
da. mēdum hieme quàm æstate; eò quòd hieme ventres (teste Hippocrate sect. 1. aphor. 15.) sint calidiores, dum propter frigus ambiens calor à circūferentia concurrit ad centrum, seu ad intima viscera: æstate verò languidiores, ob causam contrariam; nimirum quia calor ab intimis partibus euocatur ad circumferentiam, & dissipatur. Pari modo hieme utendum siccis & calidis ob copiam pituitæ, quæ tunc redundat, & non dissipatur: æstate potiùs humidis & refrigerantibus; quia per calorem aeris ambientis magna fit humorum discussio, & corpus arcescit.

Respondeo, Iuxta Medicorum placita ita videri faciendum; non tamen anxie aut minutè, sed prout se offert commoditas.

Quòd

Valetudinis conseruanda. 29

Quòd si non adfit commoditas, non est magnopere curandum. Nam si opus sit diæta sicciore, vt hieme, & quando diuturnæ pluuiæ, facile est augere quantitatem panis, & minuere quantitatem potus ac obsoniorum humidorum. Copia enim potus & humidorum quæ tempore sicco iuuat, eadem si humida aura & subfrigida per aliquot dies sumatur, nocet, destillationes, rauedines ac tusses procreans. Quando verò opus est diæta humidior, augeri potest mensura potus, addita vino maiore aquæ quantitate; vel loco vini potest assumi tenuis cereuisia, quæ satis humectat & refrigerat. Hinc sancti Patres olim non videntur huius discriminis temporum magnam habuisse rationem, vnâ eademque mensuram, & vnius generis cibum & potum per totum annum constituentes: & tamen diutissime vixerunt. Nunc tamen in monasteriis hac in re satis valetudini est consultum, vt congruentia tēpori edulia præbeantur; ex quibus qui sobrietatem sectari volunt, sibi maxime accommodata possunt seligere.

Altera dubitatio est, Vtrum illa mensura 22 de qua diximus, vna refectioe an pluribus *Vtrum* sit sumenda. Respondeo: Eri veteres omnes *semel* qui temperantiam eximie coluere, vna refe *an bis* ctione contenti fuerint, idque vel post solis *cibus* occasum, vel hora diei nona, seu tertia post *sum en* meridiem: vt refert Cassianus collat. 2. ab *dus* baty Moylis c. 25. & 26. tamen multi conuenientius censent vt senes bis reficiantur, *distributa* in duas partes supradicta mensura.

ra. Ratio est; quia cum senes ob imbecillitatem non possint multum vna vice assumere, expedit ut sapiens comedant, sed modica quantitate. Sic enim fiet ut non grauentur cibo, & facilius concoquant. Itaque in prandio poterunt sumi 7. vel 8. vnciæ, vespere 3. vel 4. aut contrà, prout cuilibet est commodius. Verùm in istis diuturna consuetudo magnam vim habet: similiter & corporis dispositio. Nam si ventriculus pituita frigida & lenta abundet, magis expediens videtur, ut semel tantum comedat: quia multum temporis requiritur ut illa cōcoquatur vel extenuetur: idque ipsa experientia abundè compertum habeo. Si tamen refectio in vespem differatur, proderit meridiè modicum quid sumere, præsertim quod iuuet ad nimiam ventriculi humiditatem exsiccandam. Vel si meridiè prandeatur, tale quid expediet sumere vespere, v. g. passulas cum pane, vel similia. Maximè enim iis qui ita affecti curandum, ut humiditas ista stomachi, quantum fieri potest, corrigatur. quia inde stomachus flaribus, & caput nebulis lētoq; phlegmate oppletur. *Sapientia*, inquit ille, *in sicco residet, non in paludibus, & lacunis*: vnde Heraclitus: *Lux sicca anima sapientissima*.

Obiiciat aliquis aduersus ea quæ diximus, à præstantibus Medicis improbari, ut quis certam cibi, & portionis sibi præfigat mensuram, præsertim modicam: quia hac ratione stomachus contrahitur, & ita illa quantitate consuescit, ut si contingat eam excedi,

Valetudinis conseruanda. 31

excedi, notabile grauamen & læsionem sentiat, dum supra consuetum distenditur.

Quod incommodum vt euitetur, suadent non seruari eundem modum, sed aliquando plus, aliquando minus assumi. Quod videtur etiam ab Hippocrate confirmari aphorismo 5. sect. 1. vbi sic scribit: *Esiam in sanis periculosus est valde tenuis, & constimatus, & exactus victus; quoniam delicta grauius ferunt. ob hoc igitur tenuis & exactus victus periculosus est magis quàm paulò plenior.*

Respondeo, Hoc placitum Medicorum 24
locum habere in iis qui eundem temperantiz tenorem præstare nequeunt, propter crebras occasiones conuiuiorum & symposiorum, quas ipsi vel nō possunt, vel nolunt vitare: neque ita domitam habent gulam, vt inter epularum affluentiam, solitam moderationem possint seruare, aliis præsertim suo exemplo & sermone ad indulgendum genio excitantibus. Tunc enim si mulcū se inferciant, sentient aliquid incommodi ob causam allatam. Secus de iis qui sibi ab huiusmodi vel occasionibus, vel excessibus possunt cauere, & eandem vitæ rationem tenere. His enim congruentissima est certa mensura, præsertim si debiles sint, aut senes; vt experientia & ratio ipsa conuincit. Nec refert quòd interdum occasione aliqua contingat hanc mensuram excedi: quia vnus aut alter excessus parum nocet; modò statim ad solitam sobrietatem redeatur, tantoque minùs in sequenti refectione sumatur,

vel ea penitus omittatur. Vt si modicè prandere, aut cœnare consuetus plusculum sum-
pseris in prandio, abstineto à cœna: si in cœna excessisti, abstine sequenti die prandio.
Itaque hoc incommodum non est tanti, vt
propter illud vitandum certa mensura, quæ
ordinariè seruetur, sit repudianda; cùm ex-
cessus aliquis, modò rarus sit, etiam senibus,
& debilibus parum noceat.

25

Si tamen excessus sit creber, multosque
dies duret, graue nocumentum sentient,
præsertim debiles & senes, qui antea certæ
mensuræ erant addicti. Narrat Auctor no-
ster, cùm ab anno ætatis 36. vsque ad 75. so-
lùm 12. vncias cibi, & 14. potus sumpsisset,
optima semper valetudine; se Medicorum
hortatu & amicorum importunitate fuisse
inductum, vt duas adhuc vncias tum cibo,
tum potui adderet. Hunc verò etiam modi-
cum excessum decimo die grauissimos illi
morbos attulisse, dolorem lateris acerrim-
um, angustias pectoris, & febrem 35. die-
rum, adeò vt à Medicis iudicaretur deposi-
tus, nec potuisse curari nisi restituta priori
consuetudine. Noui & ego quemdam, qui
cùm multis annis solitus esset tantùm cœ-
nare, modica dumtaxat re eaque sicca me-
ridie assumpta, hortatu multorum cœpit
paulo amplius, eaque humida, meridie
comedere. quæ res post decem vel duode-
cim dies tantos stomachi, & intestinorum
dolores per aliquot hebdomadas illi attulit
vt moriturus videretur: in quos dolores,
cum bis multis medicamentis, magna que

Valetudinis conseruanda. 33

doctissimorum Medicorum industria effectus, bis relapsus est. Cumq. iam tertio per aliquot dies affligeretur, venit illi in mentem mutatę consuetudinis, & re diligenter expensa, sibi persuasit hanc esse causam tanti mali. quare statuit illam repetere. Quo facto, mox primo die ceperunt dolores minui, itaq. intra quatrimum decreuere, vt nihil amplius præter magnam corporis debilitatẽ remaneret. quæ tamen & ipsa paulatim sobriæ illius & siccę diætę præsidio sublata. Non enim multitudo ciborum & delicię naturam debilem corroborant, sed modica quantitas viribus respondens, & qualitas temperamento conueniens.

Neque Hippocratis aphorismus supra allatus huic nostrę sententię aduersatur. quia ille loquitur de victu tenui, id est parui alimenti, eaq. mensura quę viribus & bonę constitutioni tuendę non sufficiat. Nos verò quodlibet genus ciborum, quod naturę sit commodum, admittimus; & eam mensuram, quę viribus stomachi, & bonę valetudini sit accommoda.

Dices: Non omnibus integrum est vel commodum exactam diætę rationem seruare: nullanẽ suppetit ratio qua tales valetudinem suam tueantur, & vitam in longam senectutem producant? Respondeo, Suppetere hanc vnicam, quam multi præstantes Medici præscriperunt. Ea est, vt quotannis bis saltem, nempe in Vere & Autumno corpus benẽ purgetur, & humoribus no-

26

27

*Aliara
tio suã
de va-
letudi-
nis.*

his liberetur. Loquor de iis qui corpus ordinariè non exercent, sed officiis mentis sunt intenti: vt sunt sacerdotes, religiosi, Iurisconsulti, studiosi, & similes. Porrò ea purgatio fieri debet præuia humorum præparatione, idque præscripto periti Medici: neque debet esse valida, & confertim operari, sed sensim per duos vel tres dies assumpto medicamento. Sic enim & facilè toleratur, & ampliùs prodest. Nam primo die purgatur prima regio, vt Medici loquuntur hoc est intestina: secundo, hepar: tertio, venę in quibus maxima prauorum humorum colluies. Qui enim non sobriè viuunt singulis diebus aliquid crudi humoris addunt, quod ad venas attractum per totum corpus veluti per spongiam distribuitur.

28

Itaque intra vnum vel alterum annum tanta sæpè est quantitas prauis humoris in corpore, quantum vas ducentarum vnciarum, seu quatuor poculorum vix capiat. Hi humores tandem temporis tractu putrescunt, & letales morbos infertunt: vnde maxima pars hominum ante tempus extinguitur. Quicumque enim ante extremam ætatem pereunt, ferè hac de causa pereunt: exceptis illis qui vi externa; vt gladio, igne, calculo, bestiarum incursum; vel veneno, vt peste, toxico, &c. pereunt. Plurimi in suis domibus omnibus commodis affluentes, breui tempore humorum istorum malignitate extinguuntur, qui in trirémibus victi, & nautico pane & aqua pasti, sani & incolumes in longam ætatem vitam propagascent.

Valitudinis conseruandæ. 35

sent. Huic periculo occurratur tempestiuis purgationibus, saltem bis quotannis assumptis. Sic enim neque valde magna potest esse talium humorum copia, neque multum possunt putrescere, cum quoque semestri excernantur. Noui multos qui hac ratione ad extremam senectutem peruenere, vix villo notabili morbo per totam vitam tentati.

Sequitur nunc tertium eorum quæ proposuimus, nimirum vt explicemus, quanta comoda corpori & animo sobria vita conferat.

29
Cōmo-
da so-
bria vi-

Primum commodum est, quod hominem ab omnibus pene morbis liberet & defendat. Aufert enim catarrhos, tusses, asthmata, vertigines, capitis & stomachi dolores: arcet apoplexiam, lethargum, epilepsiam, aliosque cerebri affectus: curat podagram, chiragram, dolores ischiadicos, & articulares morbos. Aufert cruditatem, omnium morborum matrem. Denique ita humores temperat, & in debita proportionem conseruat, vt neque quantitate neque qualitate peccent. Vbi verò est congrua humorum symmetria, ibi morbus locum non habet, cum ratio sanitatis in tali proportionem consistat. Confirmat id tū experientia, tum ratio. Videmus enim, eos qui sobriam vitam rationem sequuntur, rarò vel nūquam morbis tentari; & quando tentantur, facilius ferre quàm alios, qui prauis humoribus ex intemperantia gulæ redundant; & breui tempore restitui. Noui plurimos, qui etiam

natura sint debiles, & etate prouecti, & assidue officijs mentis intenti, tamen beneficio temperantię sani viuunt, & ab omni morbo notabili tota penè uita, longaue etate immunes. Idem declarant exempla sanctorum Patrum, & monachorum, qui in summa uictus parsimonia incolumes & alacres diutissimè uixerunt.

- 30 Ratio est, quia omnes penè morbi, quibus ordinariè homines laborant, nascuntur ex repletionē; nimirum quod plus assumatur quàm natura requirat, & stomachus possit perfectè concoquere. Cuius signum est, quod omnes penè curentur euacuatione. Detrahitur enim sanguis per sectionem venarum uel cucurbitulas, ut natura leuetur: subducitur medicamentis maxima humorum colluies, quæ per uiscera & corpus diffusa imperatur abstinentia, & tenuissima uictus ratio præscribitur. Hic modus curandi manifestè indicio est, morbum ex repletionē ortum. Contraria enim contrarijs curantur. unde Hippocrates sect. 2. aphor. 22. *Quicumque morbi ex repletionē sunt, eos euacuatio sanat: & quicumque ex euacuationē, repletio.* Rari tamen sunt morbi ex euacuationē, nisi in longa fame tempore obsidionis, uel nauigationis, uel alio simili euentu. quo casu detracto prius humore adusto, quē calor per inediam procreauit & ueluti adussit, corpus sensim (aucta paulatim cibi mensura) alendū & corroborandum. Quod etiam post multas euacuationes, quibus in magnis morbis corpus & uires exhaustæ faciendū

Valetudinis conseruandæ. 37

faciendum, vt fiat reparatio. Itaque cum omnes pænè morbi nascentur ex eo quòd plus assumatur,quàm natura possulet; consequense est, vt si quis debitam mensuram seruet, ab omni pænè morbo sit immunis. Quod etiam insinuat celebri illo dicto Hippocr. lib. 6. epidemion sect. 4. Ἀσχυρὸς ὑγιὲς ἀνορίη τροφῆς, ἀσυνή πένων. San-
ditè sanitatis est, edere citra saturitatē, & impi-
grum esse ad labores. vbi in parsimonia vi-
ctus, & exercitatione corporis ponit ratio-
nem conseruandæ bonæ valetudinis.

Idem confirmatur ex eo quòd cruditas à Medicis dicatur omnium morborum (qui-
bus homines ordinariè laborant) semina-
rium. Vnde Galenus l. 1. de cibis boni aut
mali succi: Nemo morbo corripitur, qui ac-
curatè cauet ne in cruditates incidat. Et ra-
tione cruditatis dici solet, plures occidi cra-
pula quàm gladio. Et sacra Scriptura Eccle-
siastici 37. Propter crapulam multi obierunt; qui autem abstinens est, adiiciet vitam. Et pau-
lò antè: Noli auidus esse in omni epulatione, & non te effundas super omnem escam; in mul-
tis enim escis eris infirmitas. Atqui sobria victus ratio prohibet cruditatē, ac proinde succidit morborum causam. Cruditatem vo-
cant imperfectam ciborum concoctionem. Cum enim stomachus vel ob nimiam ci-
borum quantitatem, vel ob eorum quali-
tatem contumacem, vel ob varietatē simul assumptam, vel ex eo quòd desit iulum in-
tervallum ad perfectam ciborum confectio-

37
Crudi-
tas mor-
borum
mater.

nem requisitum, imperfectè concoquit, dicitur chylus, seu succus, quem ex cibis confect, esse crudus, & habere cruditatem, quæ multa adfert incommoda. Primò, replet cerebrum & viscera multis pituitosis & biliosis excrementis. Secundò, parit in exiguis viscerum meatibus multas obstructions. Tertiò, vitiat totum corporis temperamentum. Denique, venas implet humore putrido, ex quo gravissimi morbi.

Possent hæc singula fusè ostendi, sed res est satis manifesta, præsertim primum & secundum; solùm itaque exponam tertium & quartum. Vbi chylus fuerit crudus, seu malignè à stomacho confectus, & inquinatus potius quàm concoctus (Aristoteles enim *μόλυνσις* id vocat *νόσος* *ψύχης*, iniquationem non concoctionem) ex huiusmodi chylo non potest in hepate sanguinis officina confici probus sanguis, sed solùm vitiosus. Secunda enim cōcoctio, ut aiunt Medici, non potest emendare primā. Ex vitioso sanguine non potest fieri proba nutritio, sed necesse est vitiosum existere corporis temperamentum, & morbis obnoxium. Nam tertia cōcoctio (quæ in poris minutissimis toto corpore agitur, ubi sanguis parti cuilibet alimentæ assimilatur, & ultimò disponitur ad eius formam suscipiendam) non potest emendare secundam. Hac ratione sensim per cruditatem mutatur & depravatur totum corporis temperamentum, multisque incommodis subijcitur. Rursus chyli cruditas efficit, ut venæ per totum corpus replentur san-

Valetudinis Conseruanda. 39

sanguine impuro, multisque prauis humoribus permixto, qui tractu temporis sensim putrescunt, & tandem data occasione per laborem, æstum, frigus, ventum, &c. in graues & periculosas febres, quibus innumeri ætate florenti pereunt, accenduntur. Hæc incommoda defendit sobria victus ratio: quia tollit cruditatem, horum omnium causam. Cum enim non plus ingeritur quam ventriculus probè possit conficere, & ad hoc sufficiens temporis interuallum conceditur, non potest nasci cruditas, sed chylus exister probus, & naturæ conueniens; ex probio chylo probus quoque fiet sanguis; ex bono sanguine bona totius corporis nutritio, & bonum temperamentum. Præterea vitatur hoc modo putredo humorum in venis, vitantur obstructions viscerum, & excrementitiæ superfluitates, quibus & caput, & viscera, & iuncturæ persæpè affliguntur: itaque conseruatur bona corporis constitutio & sanitas. Hæc enim in duobus sita est; in humorum debita proportionem & symmetria, tam in duobus secundum quantitatem quam secundum qualitatem: & in totius corporis spøgioso quodam habitu, nullis obstructionibus impedito, ut spiritus & sanguis liberum per omnes partes habeant discursum. Neque solum cruditatem humorum, & mala quæ inde sequuntur, impedit sobrietas, sed etiam superuacuos humores consumit, idque multò securius & efficacius quam corporis exercitatio, ut crudè ostendit Cl. Doctor Viringus lib. 5. de Ieiunio, cap. 3. 4. & 5. labor enim con-

Sanitas
in duobus
sita

625

fer-

ferim corpus agitat, & solum partes quasdam præ ceteris exercet, idq; sæpè cum humorum perturbatione, cum magno æstu, & morborum periculo, præsertim febrium, pleuritidis, & variarum in varias partes destillationum, quæ magnos dolores adferunt. Abstinence verò magis intrò ad ipsa viscera, & ad omnes iuncturas ac articulos penetrat, omnia blandè & æquabiliter euacuans: crassa enim extenuat, obstructa aperit, superflua consumit, spirituum vias referat, & ipsos spiritus clariores efficit; idque absque humorum perturbatione, absque defluxionibus & doloribus, absq; æstu corporis, ac morborum periculo, absque iactura temporis & dispendio functionum meliorum. Negandum tamen non est quin exercitatio, si modum non excedat, sit valdè utilis, & multis necessaria.

33
Sobria
mita
munis
acuer.
sus cau-
sas ex-
ternas.

Alterum Commodum est, quòd non solum à morbis, qui ex cruditate & interna humorum corruptione nascuntur, nos tuetur; sed etiam aduersus externas causas munit. Nam qui corpus purum, & humores benè temperatos habent, non ita facilè læduntur ab æstu, frigore, labore, & similibus incommodis, sicut alij qui prauis humoribus abundant: & si lædantur, faciliùs & citiùs curantur. Idem accidit in vulneribus, contusionibus, luxationibus, & fracturis ossium: quia nullus vel exiguus sit affluxus humorum ad partem affectam; qui affluxus curationem maximè impedit, & dolores & inflammationes efficit. Declarat id luculento exemplo noster Auctor infra.

Valetudinis Conseruandæ. 41

n. 11. Munit & contra pestem: facilius enim illi veneno resistitur si corpus sit purum. Vnde Socrates sua frugalitate & temperantia effecit, vt quamuis Athenas sepe numero pestis vastaret, ipse tamen numquam egrotaret, ut scribit Laert. lib. 2. de uiris Philos.

Tertium Commodum uitę sobrię est, 34
quod etsi non curet morbos incurabiles, ta- *Misi-*
men eos ita mitigat, vt facilię tolerantur, *gas*
nec magnopere fuctiones animi impediunt. *morbos*
Constat hoc quotidiana experientia. Mul- *incura-*
ti enim cum ulcere pulmonis, cum scirrho *biles.*
hepatis uel lienis, cū calculo in renibus aut
uesica, cum inueterata impetigine, cum an-
tiqua & inolita intemperie uiscerum, cum
enterocele, hydrocele, alijsque hernię gene-
ribus, solius dięte præsidio diu uitam pro-
ducunt, semper alacres, & ad ingenij labo-
res expediti. Sicut enim ista mala per inglu-
uiem ualdę exacerbantur, ita vt naturā gra-
uiter affligant, breuique tempore præcipi-
tent: ita per sobriam uictus ratione in mirifi-
cę mitescunt, adeo ut parum incōmodi ple-
rumque ex illis sentiatur, nec multum de or-
dinario uitę studio accidant.

Quartum Commodum est, quod suis cul. 35
toribus non solum sanitatem, sed etiam lon- *Præ-*
geuitatem conferat, eosque ad extremam *stat lō-*
senectutem perducatur; adeo ut cū ex hac *ganisa*
uira decedendum, nullos ferē uel exiguos *tem.*
dolores sentiant: quia moriuntur per me-
ram resolutionem. Vtrumque experientia,
& ratione notum est. Nam quod ad longe-
uitatem attinet, constat, sanctos uiros in ero-

mo & monasterijs fuisse admodum longæ-
 uds, etiamfi asperrimam vitam omnibus
 panē corporis commodis destitutam duce-
 rent. quod potissimum illorum sobrietati
 acceptum ferendum. Sic S. Paulus primus
 Eremita ætatem ad annos ferè 115. produ-
 xit: ex quibus circiter 100. egit in eremo;
 quadraginta quidem primos paucis dacty-
 lis & haustu aquæ; reliquos, cum dactili de-
 fecissent, pane dimidio, quem coruus ei
 quotidie subministrabat: vt scribit Hierony-
 mus in eius vita. S. Antonius ad annos 105.
 ex quibus 90. egit in eremo solo pane &
 aqua (quibus aliquid oleris in extrema
 senectute addebat) corpus sustentans, teste
 Athanasio. S. Paphnutius excessit annos 90.
 solo pane vescens: vt colligitur ex Cassiano
 collat. 3. cap. 1. S. Hilarion etfi naturæ esset
 teneræ, & semper rebus diuinis intentus
 vixit annos circiter 84. ex quibus ferè 70.
 transegit in eremo, mira abstinentia, & cul-
 tus victusque asperitate: vt refert Hierony-
 mus. Iacobus Eremita Persa genere, partim
 in eremo, partim in monasterio transegit
 annos 104. victu tenuissimo: vt refert Theo-
 doretus historia religiosa in Iuliano. Et ipse
 Iulianus, cognomento Saba, id est, senex,
 semel in hebdomade reficiebatur, pane
 herdoeaceo, sale & aqua contentus: vt ibi-
 dem Theodoretus. S. Macarius, cuius Ho-
 miliz extant, excessit annū nonagesimum,
 ex quibus in eremo, assiduo ieiunio peregit
 sexaginta. Arsenius præceptor Arcadij Im-
 peratoris annos vixit 120. in sæculo 65. reli-
 quos

quos 55. transegit in deserto abſtinentia admirabili. Simeō Stylites vixit annos 109 ex quibus 81. in columna; 10. in monaſterio: verū huius abſtinentia & labores naturam humanam ſuperare videntur. S. Romualdus, Italus, annos vixit 120. ex quibus 100. ſolidos egit in religione ſumma abſtinentia, & cultu aſperriſſimo. Vdalricus Episcopus Patauienſis, vir miræ abſtinentiæ, vixit annos 105. teſte Paulo Bernriedenſi in vita Gregorij VII. quem ante annos aliquot in lucē produxit noſter Gretzerus. S. Franciſcus de Paula abſtinentia admirabili (pane enim & aqua ſemel in die poſt ſolis occaſum reficiebatur, vix aliquid obſonij, quo velci in Quadrageſima licet adhibens) ſuperavit annum 90. S. Martinus 86. S. Epiphanius ſerè 115. S. Hieronymus circiter 80. S. Auguſtinus 76. S. Remigius exegit annos 74. in epiſcopatu. Venerabilis Beda ab anno 7. ætatis uſque ad 92. vixit in religione. Nimis longum eſſet omnes recēſere, qui ex hiſtorijs & vitis Sanctorum adduci poſſent. Omitto plurimos noſtræ ætatis, qui ſobria victus ratione vitam incolumem ad annos 80. 90. 95. &c. extenderunt. Sunt enim etiam ſeminarum monaſteria, in quibus victu tenuiſſimo vivitur ad annos 80. vel 90. adeò ut ſexagenariæ & ſeptuagenariæ vix inter ſeniores numerentur.

Neque dici poteſt, hos non vi naturæ, ſed ſupernaturali Dei munere tantam ætatem vixiſſe. Non enim paucorum fuit iſta longævitas, ſed plurimorum, & ſerè omnium

nium qui exactam illam sobrietatem sunt sectati, & externo aliquo casu non sunt perempti. Vnde S. Ioannes Euangelista, qui solus inter Apostolos violenta morte ante naturæ terminum non est abreptus, vixit annos 68. post Domini Ascensionem. Itaque credibile est eum ad centesimum pertigisse. Et S. Simeon annos 120. habebat, cum martyrio afficeretur. S. Dionysius Areopagita centesimum superabat annum: S. Iacobus minor 96. ieiunijs & orationibus assidue vacans; carne & vino semper abstinens.

Deinde non solis Sanctis id concessum, sed etiam alijs. Nam apud Indos diutissime viuunt Brachmanes ob victus frugalitatem: apud Turcas religiosi Mahometicæ superstitionis, qui abstinentiæ, & austeritati plurimum dediti. Scribit Iosephus lib. 2. de bello Iudaico cap. 7. *Essenos longissimæ esse vitæ, ita ut plurimi eorū vsque centenariam perueniant ætatem, propter simplicitatem victus, & vitam benè ordinatam: solum enim panem & vnum pulmentum singulis apponi.* Democritus & Hippocrates vitam produxere ad annos 105. Plato superauit 80.

Denique quando Scriptura Eccli. 37. ait: *Qui abstinens est, adiciet vitam*, generatim loquitur de omnibus, qui abstinentiam seruant, non de solis Sanctis. Fateor tamen, impios, & maximè homicidas ac blasphemos, plerumque non diu viuere (etiam si in victu temperati sint) diuina ultione eos persequente. Hi tamen non morbo ex humorum corruptione, sed vi extrinsecus illata pereunt.

Simi-

*Cur homicide
& blasphemus
non sine
legem.*

Similiter qui impensè libidini sunt addicti, non possunt vitæ esse diuturnæ: quia nihil æquè spiritus & optimū naturæ succum exhaurit; nihil naturā sic debilitat & frangit. *libidinis*

Dices, multos ad extremam senectam peruenire, qui non seruant illam sobriam diætā, sed gulæ laxant habenas prout occasio se offert, quotidie pænè ad satietatem cibo potuque se farcientes. Respondeo, huiusmodi esse raros, & rari roboris ac temperamenti. Nam pleriq. qui voraces sunt, ante tempus extinguuntur. Quod si robusti illi & ἀνόμενοι cōgruam moderationem adhiberent, multò diutius & salubrius viuerent, & longè plura ingenio suo & doctrina efficerent. Necesse enim est, eos qui non frugaliter viuunt, multis prauis humoribus impleri, & sæpè morbis tentari; nec posse sine detrimento valetudinis arduis mentis functionibus diu intendere: tum quia in illis tota vis naturæ & spirituum concoctioni & digestionī ciborum mancipata est, à qua si uio lentè per speculationem abstrahatur, necessariò maligna erit concoctio, & multæ nascuntur cruditates: tum quia caput impletur uaporibus, qui mentem obnubilant, & dolorem, si acrius ingenio cōtendas, adferunt. Denique opus illis est crebra corporis exercitatione, uel medicamentis quibus corpus uacuetur: itaque etiam si diu uideārur uiuere corpore; tamen animo & ingenio parum uiuunt, cū exiguo tempore ad functiones animi sint idonei, & maior pars temporis debeat impendio obsequio corporis. Quod quid

quid aliud est, quàm animum suę carnis, hoc est sui mancipij, facere mancipium? Talis vita non decet hominem, præsertim Christianum, cuius omne bonum spiritale est, & functionibus mēis ac corporis, sensuumque mortificatione comparatur.

- 39 His adde, eos qui debilioris sunt naturæ, si temperatè vivant, multò esse securiores de sua valetudine & vitæ productione, quàm sint robustissimi quique inordinatè viuentes). Illi enim sciunt se non habere noxios succos in corpore, vel non ea copia ve morbum possint creare: illi verò necessariò plurimis huiusmodi succis aliquot annorum tractu replentur; qui sensim magis ac magis putrescentes, leui occasione in morbum grauem, & sæpè letalem euadunt. Testatur Aristoteles in problematibus, fuisse suo tempore quemdam Philosophum. Herodicum nomine, qui etsi omnium iudicio debilissimæ esset naturæ, & tabe laboraret, tamē arte *τῆς διαίτητινὴς* (q̄ victus rationem præscribit) ad centesimum annum perueniret. meminit eiusdem Plato lib. 3. de Repub. Galenus lib. de marasmo, & lib. de tuenda sanitate refert, extitisse suo tempore quemdam Philosophum, qui librum ediderat, quo docebat qua ratione posset quis penitus expers senij cōseruari. Meritò quidem id tamquam vanum reprehendit Galenus; tamen artem non fuisse omnino vanam, & valuisse ad vitam producendam, ipse Philosophus suo exemplo ostendit. Cum enim ad octogesium annum peruenisset, &
- adedò

Valetudinis conseruanda. 47

aded effect exhaustus, vt nihil ei præter ossa & cutem restare videretur, arte tamen & moderatione victus singulari effecit, vt non nisi lentissima tabe confectus tandem occumberet. Idem Galenus lib. 5. de tuenda sanitate ait: *Arte illa quæ dietam præscribit, eos qui ab ipso ortu imbecillum corpus non sunt sortiti, sensibus illæsis, & ab omni morbo & dolore alienos, ad summam senectutem peruenire.* Deinde addit de seipso. *Ego vero tametsi non salubrem corporis statum ab ipso ortu sim natus, nec vitam planè liberam egerim, hac tamen ipsa arte usus, post 28. ætatis annum, ne minimo quidem laboraui morbo, nisi forte diaria febris ob lassitudinem aliquando contraxi.*

Neque solùm ad extremam senectutem 40 morborum & dolorum expertes perueniunt *Abfq.* sobrie atis cultores, sed etiam in ipsa morte *dolori-* doloribus non affliguntur: quia non vi illa- *bus mo* ta naturæ, sed simplici resolutione, humidi- *vi.* que radicalis consumptione vinculum animæ & corporis dissoluitur: sicut lampas sponte sua absque strepitu extinguitur oleo consumpto. Sicut enim lampas ardens tribus modis potest extinguui, 1. vi extrinsecus illata, vt cum flatu vehementi extinguitur; 2. affusa multa aqua, qua olei bonus liquor opprimitur vel corrumpitur; 3. solius olei consumptione ita etiam vita humana (quæ instar lampadis ardentis) tribus modis extinguui solet. 1. vi externa, v. g. gladio, igne suffocatione; 2. humorum noxiorum abundantia, vel qualitate maligna, qua humi- dum

dum radicale opprimitur, vel destruitur;
 3. cum ipsum humidum à calore naturali
 longo temporis tractu absumitur, & in au-
 ras diffilatur, quod eo fit modo quo aqua ca-
 lida vel oleum calidum consumitur à calo-
 re sibi ab igne impresso. In primo & secun-
 do modo magna fit naturæ turbatio, ac pro-
 inde necesse est magnos sentiri dolores, si ea
 res duret: quia temperamentum vi contra-
 ria evertitur, & vinculum naturæ violentè
 dissolvitur. At in tertio nullus vel exiguus
 est dolor, quia ab intrinseco temperamen-
 tum sensim dissolvitur, & humidum primi-
 genium (in quo maximè vita consistebat)
 vnà cum calore innato consumitur. Dum
 enim humidum illud minuitur, simul minui-
 tur calor illi insertus; & consumpto humi-
 do, simul extinguitur calor: sicut in lucernis
 accidit. Hoc modo moriuntur plerique, qui
 exactam diætæ regulam seruant, nisi for-
 tè vi extrinsecus illata pereant. Cum enim
 per diætam noxios humores euitent, nihil
 in se habent quod temperamentum violè-
 tè possit destruere, aut calorem naturalem op-
 primere: ac proinde necesse est vt vivant,
 donec humidum primigenium vnà cum ca-
 lore insito sic ita consumptum, vt non suffi-
 ciat ad animam in corpore vltèriùs retinen-
 dam. Simili modo moreretur homo, si calor
 naturalis (etiam humido saluo) desineret à
 à Deo conseruari: vel si ipsum humidum di-
 uinà virtute subitò consumeretur.

41 Quintum Commodum sobriæ diætæ
 est; quòd corpus reddat leue, agile, vege-
 tum,

rum, & ad omnes suos motus expeditum. *Corpus*
 Grauiamen enim, naturę oppressio, & tardi- *reddis*
 tas prouenit ex humorum redundantia, qui *agile.*
 vias spirituum obstruunt, & iuncturas obfi-
 dent, nimirumque humectant. Itaque subla-
 ta humorum copia per dietam, tollitur cau-
 sa illius grauiaminis, & tarditatis, & laxatur
 vię spirituum. Deinde per eandem dietam
 fit, vt concoctio sit bona, & probus conficia-
 tur sanguis, ex quo deinde puri, & copiosi
 suppeditantur spiritus, à quibus omnis vi-
 gor, & agilitas.

Attulimus commoda quinque, quę so- 42
 brietas adfert corpori. Videamus nunc quę *Cōmo*
 præstet animo. Ea similiter ad quinque re- *da ani*
 uocari possunt. *mi ex*

Primum fit, quòd incolumitatem, & vi- *sobrie*
 gore præstet sensibus externis. Sensus enim *tate.*
 videndi in sensibus potissimum heberatur, *Vigorē*
 eò quòd nervi optici humoribus superfluis, *præ-*
 aut vaporibus obsideantur. quo fit vt spiri- *stat sen*
 tus animalis qui visioni deseruit, vel obscu- *sibus.*
 retur, vel non possit ea copia subministra-
 ri, quę ad acute cernendum est necessaria.
 Hoc impedimentum tollitur, vel multum
 minuitur sobrietate victus, & potus, & absti-
 nentia ab ijs rebus, quę caput fumis im-
 plent; qualia sunt pinguia omnia, & maxi-
 mè butyrum copiosè assumptum, vina po-
 tentia, cereuisia crassa, vel herbis caput ten-
 tantibus medicata.

Sensus audiendi impeditur humoris su- 43
 peruacanei, & crudi ex cerebro defluxu in
 organum auditus, vel in neruum qui ei de-

C seruit.

seruit. hac enim ratione fit, vt homo ex ea parte, in quam defluxio incūbit, fit surdus, vel grauitè audiat. Talis defluxio facilè arceat & præuenitur sobrietate victus. Et postquam accidit, sicut medicamentis potest tolli (nisi fortè sit inueterata, & sedem fixerit) ita etiam per dietam ; præsertim si topica quædam simul adhibeantur.

- 44 - Sensus gustandi potissimum vitatur prauis humoribus organum ipsius imbuentibus; vt si biliosi humores, vel acidi, vel falsi linguam faucesque occupent (siue isti veniant ex capite, siue ex stomacho, cuius interior tunica cum illis organis cōtinuatur) omnia videbuntur amara, acida, vel salsa. Hoc vitium tollitur congruenti diætā, quæ etiam fit, vt communes cibi & panis siccus meliùs sapiant homini moderato, & plus ei voluptatis afferant, quàm gulæ dedito pretiosi & exquisitè conditi. Sublatis enim vitiosis succis, qui stomachum & organum gustus inficiebant, & ἀνοψία vel fastidium inducebant, redit appetitus, & sincerus ciborum sensus, ac naturalis voluptas. Simili modo conseruat sensum odorandi, & tangendi.

- 45 - Fateor tamen, longa tandem senectute vigorem sensuum, præsertim oculorum, & aurium, multum hebetari, ac ferè extinguī. quia temperamentum organorum, vti & reliquarum partium, paulatim dissoluitur, consumpto sensim humore radicali, & calore innato: quo fit vt, & temperamentum euadat siccus quàm conueniat sensuum

Valetudinis conseruandæ. 31

operationi, & omnes meatus ac pori pituita frigida repleantur, quæ omnibus animæ functionibus maximè aduersatur. Sicut enim senes interno corporis temperamento sunt sicciſſimi & frigidissimi: ita excrementiſſis succis humidiſſimi, adeò vt ſenium nihil ſit aliud quàm frigus & ſiccitas temperamenti, ex cõſumptione humidi radicalis, & caloris innati proueniens, quibus neceſſariò pituitæ frigidæ copia toto corpore eſt coniuncta.

Alterum Commodum, quod diata ſobria confert animæ, eſt, quòd ualdè minuat ac mitiget effectus ſeu paſſiones præſertim ⁴⁶ *Mitigat paſſiones.* iræ & melancholię, tollens in his exceſſum & inordinatum impetum. Idem facit circa affectum delectabilium guſtus & tactus: ut meritiò etiam ob hunc effectum iſta ratio uitę ſit magni eſtimanda. Turpe enim eſt eſſe irę impotentem, eſſe ſubiectum melancholię, & triſtiſſimis phantaſię curis: eſſe emancipium gulę & uentris, cęcoq. impetu in eſculenta & uenerea effundi. Neque ſolum turpe, & uirtuti aduerſum, ſed etiam ualitudini noxium, & apud honeſtos prohibe-ũ. Haſce malis ſobrietas facili negotio medetur, partim ſubtractis, partim correctis humoribus, qui illorum cauſa. Quòd enim humores ſint cauſa talium paſſionum, apud Medicos, & Philoſophos eſt notiſſimum, & conſtat experientia.

Videmus enim, eos qui bilioſis humoribus abundant, eſſe iracundos & præcipites: ⁴⁷ qui melancholicis, cõtinuo mœrore ac me-

tu confici: si humores isti in cerebro inflammantur, phrenitidem, & maniam procreare; si acidus humor stomachi tunicis sit impactus, assiduam famem & uoracitatem: si feruidi sanguinis in corpore sit copia, incitare ad libidinem, præsertim si materia aliqua flatulenta sit coniuncta. Ratio est, quia affectus animi sequuntur apprehensionē phantasie, ut ex philosophia notum est: phantasiæ autem apprehensio est conformis dispositioni corporis, & humoribus qui in corpore dominantur. Hinc biliosi somniant ignes incendia, bella, cædes: melancholici, tenebras, funera, sepulchra, spectra, fugas, foveas, & tristitia omnia: pituitosi pluuias, lacus, flumina, inundationes, submersiones, naufragia: sanguinei, volatus, cursus, conuiuia, cantus, amores. Somnia verò nihil aliud sunt quàm phantasie apprehensiones ceteris sensibus sopitis. Vnde sicut in somnis, ita etiam in vigilia phantasia pleraque apprehendit consentaneè humori, & qualitati prævalenti, præsertim primo obiecti apulsu, priusquam à ratione corrigatur & dirigatur. Itaque excessus istorum humorum peruertit naturalem phantasie statum, & apprehensionem. Bilis enim, quia amarissima, & nature maximè aduersa, facit ut phantasia dictum factumve alterius, vel quidlibet aliud quod displicet, apprehendat ut sibi aduersum, inimicum, iniuriosum; & quia humor ardens est, & impetuosus, facit ut apprehensio sit velox & vehemens, incitetque ad celerem mali repulsionem, & vindictam.

Humor

Valetudinis conseruanda. 53

Humor melancholicus est grauis, frigidus, ficcus, torpidus, acidus, atro colore, & cordi valdè infestus. Itaque facit vt phantasia apprehendat omnia tamquam infecta, inimica, tristitia, tenebrosa. Ratione autem frigoris, & grauitatis fit vt non incitet ad mali repulsionem, sicut bilis quæ leuis est; sed inijcit metum, fugam, cunctationem. Pituita frigida est & humida: vnde fit vt apprehensio ad omnia sit tarda, languida, absque vigore, acrimonia, alacritate. Itaque bilis facit vt homo sit iracundus, præceps, velox, audax, vehemens, rixosus, morosus: ad quidlibet indignetur, iuret, maledicat, clamet, vociferetur. Hinc tot iniuriæ, pugnæ, vulnera, cædes in genere humano. Nam etiam ea quæ in ebrietate patrantur, ex furore bilis plerumque proueniunt, vino bilem augente, & accedente. Melancholia facit tristes, pusillanimes, meticulosos solitarios, cogitabundos, desperabundos. Et sicut bilis ad breue tempus, dum seruet, rectum mentis iudicium peruertit: ita melancholia ferè assidue, maximè ea quæ cerebrum occupat, vel tetros vapores sursum ad cor, & caput ex hypochondrijs emittit. Pituita efficit lentos, languidos, somniculosos, meticulosos, obliuiosos; denique ad omnia præclara inutiles. Etsi enim humor iste non ita sit corpori infestus, sicut bilis, & melancholia; est tamen maximè aduersus functionibus animæ: quia frigore suo vigorem spirituum hebetat, & humiditate cerebrum, & meatus spirituum nimium humectat.

Omnibus hisce malis magna ex parte medicina facit sobria diæta. Hac enim adhibita, sensim minuuntur pravi humores, natura eos consumente vel expellente, adhibitis præsertim quibusdam adminiculis à medicamentis purgantibus. Deinde corrigitur corporis intemperies, dum purus & temperatus sanguis subministratur, qui nullis cruditatibus sit permixtus, nullis humoribus superfluis vitiat, nulla qualitate noxia excedens. Hinc eos, qui sobrietate consueverunt, videmus placidos, affabiles, benignos, lætos, tractabiles, & in omnibus moderatos. Benignus enim succus naturæ, affectus, & mores facit benignos: & malignus succus (qualis est bilis & melancholia, si quantitate vel qualitate excedat) facit affectus, & mores malignos, & efferatos. Vbi id quoque dignum consideratione, prauos humores non solum excitare passiones, ijsq. dare initium, sed vicissim per quamdam sympathiam ab ipsis passionibus accendi & roborari, & accensos roboratosq. efficere ut ipsa quoque passio augeatur, & cōfirmetur. Patet hoc in humore bilioso, qui cum abundat, mediante apprehensione phantasie quam vitiauit, excitat passionem iræ: iræ commotio per quamdam sympathiam accendit spiritus, & humorem biliosum; humor biliosus iam accensus efficit ut phantasia fortius, & vehementius rem apprehendat, & maior videatur iniuria quam antea: & sic ipsa quoque iræ commotio augetur, & roboratur. Hinc fit ut interdum ex iræ

Valetudinis conseruanda. 33

transeat in furorem, si phantasia multo tempore in imaginatione iniuriæ persistat. vnde saluberrimum consilium est, cogitatione ab iniurijs acceptis auertere: quia earum consideratio non solum animo, sed etiam corpori est noxia. Simili modo humor melancholicus, mediante phantasia, excitat mœrorem, nulla alia causa mœroris suppetente: mœror per quamdam sympathiam concludit cor, & impedit liberam eius dia-
stolem: quo fit vt humor melancholicus aduratur, fiatq. malignior, eò quod terre fuligines non possint dissipari: factus malignior, augeat mœroris affectum, & sæpè adigit ad desperationem, funestaque consilia.

Tertium Commodum animæ ex diætâ 49
sobria proueniens, est incolumitas memo- *Memo-
riæ.* Hæc enim maximè lædi solet ab humo- *riâ con-
seruat.*
re frigido cerebrum occupante, qui potissimum intemperantibus, & senibus est infusus. Hic enim humor, & vias spirituum angustiores obstruit, & spiritus ipsos refrigerat, & torpidos reddit: quo fit vt apprehensiones sint lentæ, languidæ, & fluxæ, & sæpè in media narratione hominem ita deficient, vt nesciat quid dixerit, aut qua de re locutus fuerit; rogetque socios, Quid tractabamus? Poteest autem id fieri tripliciter. Primò, ex eo quòd spiritus animalis, quo phantasia in recordâdo, & in omni actu suo vititur, ab humore pituitoso in transcurso raptim intercipiatur: quo intercepto cessat rei apprehensio, & consequenter omnis recordatio. Secundò, ex eo quòd apprehensio

fuit languida, & absque reflexione, idque ob spirituum inopiam vel ineptitudinem: apprehensio autem rei facta absq. reflexione, non potest relinque sui vestigium, quod ad recordationem sit sufficiens. Omnis enim recordatio immediatè versatur circa actus nostros, & solùm mediatè circa actuum illorum objecta. Non enim recordor propriè Petrum esse mortuum, sed me vidisse, vel audivisse, vel legisse, &c. esse mortuum. Itaque ubi nulla est reflexio super actus nostros, nullū potest relinqui vestigium ad memoriam sufficiens. Tertiò, ex sola spirituum ineptitudine. quia etsi vestigium sit aliquo modo sufficiens ex parte sua, tamen sæpissime fit, ut inopia, vel impuritate, vel corpore, vel nimio fervore spirituum non possimus eo vestigio congruenter ad recordationem uti. Hac ratione interdum accidit, ut quis omnem penè memoriam perdat, & omnium disciplinarum obliuiscatur; ut cum pituitæ frigida copia meatus angustiores cerebri obstruit, & spiritus torpidos reddit, totamq. cerebri substantiam nimium humectat, & refrigerat.

50 Totum hoc malum mirificè vel arcetur, vel curatur sobria, & congruenti victus ratione: nimirum abstinendo à potu calido, & fumolo, nisi forè exigua sit quantitas. Etsi enim vinum sit calidum, tamen cerebrò, & magna copia hauritum, frigidos morbos parit: nimirum destillationes, tusses, coryzas, apoplexiam, paralyfim. Ratio est, quia caput vaporibus implet, qui ibidem refrige-

rati,

rati, in frigidam pituitam, quæ istorum malorum causa est, densantur. Neque tantum à potu calido, & fumoso, sed etiam à copia omnis humidi abstinendum, & quantum fieri potest, sicca diætã vtendum. Hac enim fit vt superflua humiditas vel non gignatur, vel genita consumatur; & consequenter vt obstructions, quæ ab ea proveniebant, tollantur, & viæ spirituum laxentur, & ipsi spiritus extenuentur, debitumque statum consequantur, & cerebro nativum redeat temperamentum, fiatque vnã cum spiritu idoneum, vt phantasiz, & memoriæ deseruiat.

Quantum Commodum est vigor ingenij ^{SI} *Vigorẽ*
in excogitando, ratiocinando, inueniendo, *ingenij*
iudicando; & aptitudo ad diuinas illustra- *tuerit.*
tiones suscipiendas. Hinc fit vt homines abstinentiæ dediti sint vigilantes, circum- specti, prouidi, boni consilij, recti iudicii. Si de disciplinis agatur, facile excellunt in ijs, quibus animum applicuerint. Si de oratione, meditatione, contemplatione; magna facilitate, voluptate, & gustu spiritali ea obeunt. Ostendunt id suo exemplo antiqui Patres, & Eremitæ, qui cum essent abstinentissimi, semper mente vigeant, & totas noctes in oratione, rerumque diuinarum commentatione traducebant, tanto animi solatio, vt in paradiso versari sibi viderentur, & temporis fluxum non perciperent. Hac ratione ad summam sanctitatẽ, & familiaritatem Dei peruenerunt, & dono prophetiæ ac miraculorum ornati sunt, & toti mundo

admirabiles extitere. Cùm enim perpetuò mentem sursum erectam, Deoque intentam tenerent, digni habitus fuere, ad quos Deus vicissim se inclinaret, eos eximie illustrando, (iuxta illud Psal. 33, *Accedite ad eum, & illuminamini*) suorumque secretorum faciendo participes, & operum mirabilium administros: nimirum ut mundus hinc intelligeret, quantopere vita illorum Deo placeret & ad eorum imitationem ac venerationem excitarentur.

- 52 Sunt etiam hoc tempore plurimi, qui eadem abstinentiæ via ad sapientiæ, & virtutum Christianarum culmen nituntur: quibus aliqui scriptorum suorum multitudine & eximia eruditione omnibus sunt admirationi. Nemo absque sobrietatis præsidio simile quid præstare poterit: quòd si obstinate conetur, se ipse ante tempus conficiet. nemo sine huius virtutis ope passionem suam frænare, animi tranquillitatem obtinere, mentis functiones circa res diuinas facili modo, & cum voluptate obire, ad insignem sanctitatis gradum pertingere. Horum omnium veluti basis, & fundamentum est sobrietas, ut docet Cassianus lib. 5. qui est de *Gastrimargia*, cap. 14. & 17. Vnde Sancti omnes, qui celsam perfectionis Evangelicæ turrim ædificare voluerunt, ab hac, tamquam fundamento totius ædificij spiritualis, incepterunt.

- 53 Nec obstat, quòd fides ceterarum omnium virtutum, & consequenter totius stru-
cturæ spiritualis, dicatur fundamentum: quia
fides

fides est quidem intrinsecum & primarium fundamentum, cui directè ceterę virtutes innotuntur; sed abstinentia est fundamentum extrinsecum, secundarium, & subseruiens: quatenus nimirum remouet ea quę vsum fidei, & functionem potentię intellectiue vel impediunt, vel difficilem, inanimam, & laboriosam reddunt; & simul ea supeditat adminicula, quibus functiones illius potentię reddantur illustres, faciles, & delectabiles. Omnis. n. profectus spiritualis pendet ex vfu intellectus, & fidei quę in intellectu residet. Non enim possumus amare aliquod bonum, aut in eius amore proficere; nec odisse malum, aut in eius odio crescere, nisi illud ab intellectu ad mouendum affectum nobis proponatur. Vnde qui ita diuino munere comparatus est, vt cęlestia & diuina semper eius menti obuersentur, (sicut accidit Apostolis, & multis Apostolicis viris) is facili negotio terrena omnia contemnet, & ad sublimem sanctitatis, & meritorum gradum conscendet; ac proinde in cęlo illustrem glorię coronam obtinebit. Voluntas enim facili se conformat iudicio intellectus, quando res ei non raptim, sed continuè, & acriter ab intellectu proponitur. Ex quibus patet, ea quę mentis functiones impediunt, obscurant, vel difficiles, & laboriosas reddunt, plerumque in causa esse, cur neque in disciplinis, neque in pietatis officijs, neq. in sanctitate vitę, ad insignem perfectionis gradum perueniatur: quę vero functiones intellectus reddunt faciles, ex-

peditos, illustres, delectabiles, præstare hominem idoneum, qui facili negotio, & cum voluptate rebus spiritualibus intendat, & ad excellentem sapientiæ sanctitatisq. mensuram pertingat.

- 54 Itaque cum sobrietas hanc vim habeat, ut collat ea quæ mentis considerationem vel impediunt, vel difficilem, & inamœnam reddunt; & suppeditet ea quæ facilem, & iucundam efficiunt, meritò fundamentum secundarium sapientiæ, & profectus spiritualis dicenda est. Quæ autem ratione id faciat, patet ex dictis supra. Quæ enim speculationem impediunt ac difficilem reddunt, sunt ista: nimia cerebri humiditas, vaporum, & fuliginum abundantia, meatuum cerebri obstructio, nimia sanguinis copia, spirituum feruor à sanguine vel bile proveniens, vapores biliosi vel melancholicæ adustæ caput petentes, humor biliosus vel melancholicus cerebrum occupans. Hæc omnia impedimenta si nondum adsint, ea præcauentur sobria diætâ, ut non irreparent: si autem adsint, sensim vincuntur, & emendantur, adhibita simul, si necesse sit, quorundam pharmacorum ope, maximè initio; nisi forte malum sit inueteratum, & incurabile: ut interdum in melancholia, & pituita cerebrum per protopathiam occupante, per quam amentia stabilis inducitur, accidit. Neque solum tollit impedimenta speculationis, sed etiam suggerit adminicula speculandi, nimirum probum sanguinem, & consequenter puros, & bene temperatos

spiritus

Valetudinis conseruandæ. 61

spiritus, & congruum cerebro temperamentum. Nam & ipsum temperamentum cerebri, quod per intemperantiam factum est nimis vel humidum, vel frigidum, vel siccum, vel calidum, per dietam sensim emendatur, & ad mediocritatem reducitur.

Fruſtus hic ſobrietatis maximi eſtimadus eſt. Quid enim optabilius homini Chriſtiano, & præſertim religioſo, quàm in longa ſenectute vti mente ſana, alacri, expedita, & vegeta ad omnes ſuas functiones? Nam præterquam quòd hoc per ſe valdè iucundum ſit, maximum nobis bonum ſpiritale, ſi velimus, adducit. Tunc enim poſt longam experientiam præcedentis ætatis, mundi vanitas clariùs cognoscitur, & animo vileſcit: tunc cœleſti a nobis magis ſapere, & terrena contemni incipiunt: tunc futura quę impendent aſſidue verſantur ob oculos, vt dignè ad ea nos comparemus: tunc omnis ea notitia & experientia, quam ab ineunte ætate uſq; ad illud tempus comparauimus, nobis eſt adminiculo, eiùſque ſuaues fruſtus carpimus. Tunc ſedatis animi affectibus & iurbellis, cum magna voluptate & facilitate incumbere poſſumus orationi, meditationi rerum diuinarum, lectioni ſacrę Scripturę, & ſanctorum Patrum, & aſſiduè aliquid pij animo voluere, aliquam diuini eloqui ſententiam (more ſanctorum Patrum) ruminare; preces canonicas inſigni attentione perſoluere, ſacrificium Miſſę magna reuerentia & deuotione offerre. Mirum dictum eſt, quanta in omnibus iſtis mentis officiis ſo-

bric

55
*Quaſi
hic fruſtus
eſt ſi
momen
ti.*

briæ senectuti sit facilitas, quanta voluptas, quanta animi consolatio, & consequenter, quantum meriti & præmij possint hinc sibi comparare.

56 Hæc potissimum causa me impulit ad hunc tractatum scribendum, nimirum ut hominibus pijs, & præsertim religiosis, tantum bonum commendarem, quò & ipsi diu sani vivere, & Deo cum magna facilitate & gaudio seruire, & animum suum diuinis inspirationibus & illustrationibus suscipiendis aptare, & maximos bonorum operum thesauros sibi congregare possint. Parui quidem facienda, parumque utilis est longa vita, si sæculo potius quam Deo seruit, si auaritiæ vel ambitioni, vel voluptati dedita: verum si Deo tota est mancipata, virtutisque officijs addicta, maximi est pendenda, & utilissima. Itaq. etsi sobrietas eam vim habeat ut omnibus, nõ solum qui pietati, sed etiam sæculo dediti, corpus sanum & mentem vegetam præster; tamen illis potissimum est sectanda, qui pietatem colunt, & Deo quam maximè placere student: quia his maximam voluptatem etiam in hac vita, & postea copiosissimum in æternitate fructum adfert.

57 Quintum Commodum est, quòd libidinis impetum extinguat, & tentationes carnis mirificè sedet, & magnam carni ac spiritui tranquillitatem conciliet. Rectè dixit quidam: *Sine Cerere & Baccho friget Venus*. Hoc remedio aduersus istud malum vsi sunt omnes quotquot sanctitate illustres fuere. Et sanè, post gratiam diuinam nullum est efficacius:

Scimus
de car-
nis mi-
tigat.

cacius: quia sobrietas & materiam, & causam impulsivam, & causam excitantē subtrahit. *Materiam* voco copiam spermatis: *causam impulsivam*, copiam spiritus animalis, quo sperma expellitur: *causam excitantem*, imaginationem rerum venerearum. Hæc imaginatio excitat primū concupiscentiæ passionem: hæc statim commouet spiritus ad expulsionem; hi commoti virgēt, & nisi voluntas cohibeat, perficiunt. Vincere hunc impetum, præcipuū certamen hominis Christiani, præsertim florenti ætate, & natura adhuc robusta.

Sobrietas materiam & causam impellentem subtrahit: quia si adsit copia spermatis, facit ut sensim minuatur tum quantitate, tum calore. Similiter minuit copiam & feruorem spirituum, abstinendo à calidis & flatulentis cibis; à vini & cerevisiæ potentis usu, saltem quamdiu opus est, ut ad mediocritatem deueniatur. Imminuto autem & temperato spermate ac spiritibus, sponte cessant libidinosæ imaginationes; vel si occurrant, facile excutuntur (nisi fortè Dei permisso à diabolo suggerantur): quia oriuntur per quamdam sympathiam ex dispositione corporis, nimirum ex copia seminis & spirituum, sicut imaginationes aliæ, quæ humoris dominantis conditionem sequuntur, ut supra ostensum. Cuius signum est, quod sobrietatis cultores ab huiusmodi imaginationibus & tentationibus plerumque sint liberi, & raro admodum illis vexentur. Quod si causarum illarum copia non adsit, facile

sobrietas præcauet ne nascatur: dum facit ut non comedas aut bibas amplius quam sustentatio corporis postulat. Non enim quantitatem eorum quæ assumit, metitur appetitu, qui maximè fallax; sed ratione, quæ spectat quid, & quantum corpori conseruando, & functionibus animi congruat.

59
Cur ap-
petitus
fallax.

Cur verò appetitus fallax sit, causa est duplex. Prima est, quia nō solum appetit quantum necessarium conseruando corpori, sed etiam quantum seruire potest procreationi. Ad utramq. enim finem insitus homini, & ceteris animantibus esculenti, & potulenti appetitus; nimirum ad conseruationem indiuidui, & ad propagationem speciei. Itaque ratio dicitur iis qui castè viuere, & incitamentis libidinis carere volunt, nō esse obsequendum appetitui, sed dimidia solum ex parte ei satisfaciendum: nimirum quatenus appetit necessaria corporis sustentationi. quod si fiat, nulla erit seminis copia, nulli vel exigui libidinis stimuli. semen enim est superfluum alimenti; nimirum quod corpori alendo non erat necessarium. Vbi ergo non plus alimenti sumitur quàm alendo corpori sit opus, ibi vel nihil, vel parum est superflui, quod in semen dispensetur.

60

Altera causa cur appetitus sit fallax, est, quia sæpè longè plus appetit quàm utrique fini (nempe sustentationi proprii corporis, & propagationi naturæ) conueniat: idq. vel ob stomachi prauam dispositionem, ut fit in fame canina, boulimia, & cum humor melancholicus tunicis stomachi impa-

vel

Valetudinis conseruandæ. 65

vel ob ciborum mangonia, & condimenta, qui sua varietate, & nouo sapore assidue ore xin & gulam prouocant. Quâ ob causam talis varietas & exquisita epularû instructio omnibus sobrietatis, & castitatis cultorib⁹, imò omnibus qui suæ valetudinis curam habent maximè vitanda, vt passim Medici tradunt. Qua de re suprâ diximus.

Ex quibus perspicuum est, in sobrietate, & abstinentia ad libidinem domandâ longè maiorem esse vim, quàm in alijs corporis afflictationibus, cilicijs, disciplinis, chameu nia, labore manuum. Hæc enim exterius tantum corpus affligunt, & cutem perstringunt; causam verò mali, quæ interiùs later, non attingunt. Abstinentia verò causam ipsam ex libris, & venis intimis subducit, & naturæ temperamentum ad mediocritatem reuocat. Itaque hæc omnibus, qui isto malo vexantur, consulenda.

Haftenus de sobrietatis commodis & fru 61
ctibus: quæ omnia possent sanctorum Patrum testimonijs confirmari, sed ea breuitatis causa prætermitto, vnius D. Chrysostomi sententia contentus. Is Homil. 1. de ieiunio ita scribit: *Ieiunium, Angelorum imitatio est pro nostra virili, contemptus præsentium, schola precum, alimonia animæ frænum oris, mitigatio concupiscentiæ, vt probè norunt qui ieiunant: molli furorem, compescit iram, sedat fluctus naturæ, excitat rationem, claram reddit mentem, allouiat carnem, fugat nocturnas sæditates, capitis dolores tollit, claros adfert & colores, & aspectus. Ieiunis gestus cōpositi, expedita lingua, recta*

recta cogitatio, &c. Vide eundem Homil. 1. in Genesim. Similia multa legere est apud Basilium oratione de ieiunio; Ambrosium lib. de Elia & ieiunio; Cyprianum orat. de ieiunio, & aliòs.

62 *An sit molesta.* Dicer aliquis molestam esse istam diætæ parsimoniam, ut quæ hominē perpetua fame torqueat; ac proinde satius esse citò mori, quàm adeo duro remedio miseram vitam trahere, iuxta dictum cuiusdam, cui cùm crus esset secundum, recusavit inquiring: *Non est tanto digna dolore salus.*

Respondeo Primò, Initio quidem esse nonnihil molestam, ob contrariam consuetudinem, & stomachi distentionem; verùm sensim ea molestia tollitur. Non enim repente à magna quantitate ad exiguam transfundum, sed sensim singulis diebus aliquid detrahendo, donec ad iustam mensuram sit deuentum: ut sæpè Hippocrates docet. Sic enim sensim absque molestia stomachus contrahitur, & audivitas, quæ antè sentiebatur, tollitur. Stomacho autem ad iustum & debitum modum contracto, nulla amplius est molestia in sobria diætâ: quia exigua illa quantitas eius capacitati & viribus aptè respondet. Cuius signum est, quòd initio Quadragesimæ abstinere à ientaculo, plerisq. qui aliter consuevere, sit graue; sed sensim ipso usu difficultas illa tollitur: & tantum commodi ex abstinentia multi sentiunt, ut perpetuò abstinere ientaculo cupiant. Idem multi expertuntur in carenda cœna. Simili modo cùm quis nonnihil assuevit, non est

mo.

molestum abstinere à quibuldam cibis minùs salubribus, etiam si gula priùs eos valdè affectaret. Itaque falsum est quod obijcitur, sobriam diætam perpetua fame hominem torquere.

Respondeo Secundò: Esto, aliquid molestiæ in tali diætâ multo tempore sentiatur (quod tamen non est ita) sed cogitandû est, exiguam illam molestiam maximis commodis & fructibus compensari. Sobria enim diætâ morbos pellit, corpus agile, sanum, purum, à fœtore ac fœditate alienum præstat longævitatē adducit, somnos quietos & placidos inducit: epulas communes suaves & iucundas efficit; sensibus incolumitatem, memorię vigorem, ingenio perspicaciam, claritatē, & ad diuinas illustrationes excipiendas aptitudinem confert; passiones sedat, iracundiam & mœrorē pellit, libidinis impetū frangit. Denique corpus & animam maximis bonis replet: ut meritò mater sanitatis, hilaritatis, sapientiæ, & omnium virtutum dici possit.

Et contrario vita inordinata exiguam illam & breuem voluptatem quam gulæ ad- *Incommoda vitæ inordinatæ.*
fert, innumeris compensat incommodis. Nam & ventrem suo pondere grauat, sanitatem perdit, morbos plurimos introducit, corpus fœdum, olidum, sordidum, mucosum & excrementis plenum reddit, libidinem accendit, passionibus animam subijcit, sensus obtundit, memoriam debilitat, ingenium & iudicium obscurat; denique mentem ad omnes suas functiones, ad disciplinas, ad
ora-

orationem & meditationem, ad sublimia & salutaria omnia hebetat & ineptiorem reddit. quo fit ut & in pulcherrimarum rerum scientia, & in vitę sanctitate, & in meritis bonorum operum minor sit profectus. At quale & quantum bonum est, cuius causa hæc omnia mala sustinentur? Brevis & momentanea gulę voluptas; quę tunc solum sentitur, cum cibis manditur, & in ventrem trajicitur; quęque & per se vilis est, utpote nobis cum bestiis communis, & exiguum corporis partem afficit, nempe linguam, palatum & fauces. Huius causa omnia ista sustinentur, tantaque mala tolerantur. Huius appetitio est ratio totius difficultatis, quę in sobrietate sentitur. Si enim nulla esset in sumendo cibo & potu voluptas, nulla esset in abstinendo difficultas. Nihil aliud boni habet intemperantia præter vilem illam & momentaneam gulę oblectationem. Quam miserum est & homine indignum, se reddere huius mancipium, eiusque causa tanta incommoda & dispendia sustinere? Quantum absinthij & fellis pro illa modica dulcedine refunditur?

65

Hęc diligenter considerata & perpendenda viris prudentibus, maximè ecclesiasticis, & Deo dicatis, quorum professio est functionibus mentis vacare, & rebus diuinis intendere. Si enim ista accuratè expendamus, fieri nequit, quin sobrietas nobis sit placitura, & facilis ac iucunda futura; intemperantia verò horrore & detestationi. Pudebit nos nostrę mollitiei, pudebit tantę

Valetudinis Conseruandæ. 65

vilitatis & imbecillitatis animi, quod gulę obsequijs ita sumus subiecti, quod durò eius imperiò adeò seruiliter pareamus, quod vilissimis & momentaneis eius illecebris non possimus resistere. Quid turpius aut magis dedecorosum, quàm esse mancipium gulę & ventris? Quid stultius, quàm propter modicam gulę voluptatem renuntiare omnibus animi & corporis bonis quę nobis adfert sancta sobrietas; & exponere se omnibus incommodis & malis quę corpori & animo irrogat intemperantia? Miserā mortalium sortem, quę tantę vanitati subiecta est, tantis tenebris occęcata, tantis erroribus obnoxia? cuius mens in iudicando & eligendo, inani specie boni delectabilis quasi pęr somnium deluditur.

Hęc de sobrietate, quatenus medium est & instrumentum optimum sanitatis corporis, & vigoris mentis in longam senectutem conseruandi, & maxima bona vtrique parti, tam temporalia quàm spiritualia consequendi, dicta sufficiant: quę vt multis salutaria sint Deum enixè rogo. Finē itaque faciam verbis B. Petri omnes ad sobrietatem hortando: *Fratres, sobrii estote & vigilate; quia aduersarius vester diabolus tamquam leo rugiens circuit quærens quem deuoret; cui resistite fortes in fide.* Non enim solum ad carnis tentationes, quibus maxima pars mundi succumbit, vincendas valet sobrietas, sed simpliciter ad omnes: sicut etiam ad omnes iuuat virtutes, vt ex ijs, quę suprà deduximus, est perspicuum.

66

1. Pet.
5.

70
L V D O V I C I
C O R N A R I
V E N E T I

Traſtatus de vitæ ſobriæ com-
modis .

I
*Vis con-
ſuetudi-
nis .*



Ertum eſt, uſum in hominibus ſucceſſu temporis verti in natu-
ram: ita ut illos quodammodò
cogat ad ea uſurpanda, quibus
conſueuerunt, ſiue bona ea ſint
ſiue mala. Pari modo in multis rebus vide-
mus uſum conſuetum habere plus virium
quàm rationem . Neque id nega ri poteſt .
Imò crebriò cernimus, eum qui probus eſt,
conſuetudine improbi ex probò fieri impro-
bum . Et ſicut bona conſuetudo facilè con-
uertitur in prauam: ita è còtrario praua ſub-
inde reducitur ad bonam . Nam is qui ex pro-
bò conſuetudine prauus factus eſt prauus ; is
conſuetudine viri probi rursus redit ad pro-
bitatem priſtinam . Et hoc totum procedit
ex vi uſus & conſuetudinis , quæ re uera eſt
magna .

2
*tria ma-
la con-
ſuetudi-
ne inue-
ſta .*

Quæ cum mecum ipſe perpenderem,
animaduerti ex vi uſus in noſtram Italiam
non ita pridem, imò æuo meo, tres malos
mores inueſtos . Primus eſt, adulatio, &
aulicæ cærimonix . Secundus, viuere iuxta
ſenſu .

sensum & doctrinam Lutheranam : quæ ratio viuendi ab aliquibus immeritò defenditur consuetudine. Tertius, crapula. Hæc tria vitia, vel potius crudelia vitæ humanæ monstra, nostris temporibus sustulerunt è vita ciuili sinceritatem, ab animo religionem, & à corpore sanitatem. Quamobrem statui tractare de vltimo, & ostendere esse abusum; vt, si fieri possit, tollatur. Quod ad opinionem Lutheranam, & adulationem attinet, breui præclarum aliquod ingenium laborem sumet ea refutandi, sicque spero ante mortem me visurum hos tres abusus extinctos, & nostram Italiam antiquis & sanctis moribus suis restitutam.

Vt ergo veniam ad id de quo statui tractare: Dico *crapulam* esse rem perniciosam, quia vitam sobriam extinxit, & plurimum sibi subiecit. Et quamuis omnes norint, *crapulam* procedere è vitio gulæ, & vitam sobriam à virtute temperantiæ: nihilominus *crapula* habetur res liberalis & honorabilis; vita sobria res sordida & contemptu digna. Hoc totum procedit ex vi consuetudinis, quam sensus & appetitus sensualis intro duxerunt, qui ita inescarunt & inebriarunt homines, vt relicta bona via, se conuerterint ad sectandam prauam, quæ illos latenter conducit ad peregrinas & letiferas infirmitates, & præmaturam senectutem, cum priusquam quadragesimum ætatis annum attingant, pænè sint decrepiti. Oppositum vita sobria, priusquam esset hinc abacta præstabat, conseruando homines in prospera

Opera valetudine, etiam anno ætatis octuagesimo.

4

LXXVI
conmi-
jorib.

O miseram & infelicem Italiâ? non aduertis *crapulam* quorannistibi plures eripere personas, quàm posset è medio tollere vel tempus grauissimæ pestis, vel multi armorum conflictus? Quid dicam de tuis conuiuijs verè inhonestis, quæ iam passim in vsu; quæ aded sunt grandia & intolerabilia, vt mensæ satis capaces fieri nequeant, propter infinitam ciborum multitudinem, qui imponuntur; ita vt opus sit lances alias alijs in cumulum imponere? Quis posset viuere in tantis excessibus, & vitæ humanæ infestis venenis? Per amorem Dei ponatur in istis modus: quia certus sum, Maiestati diuinæ ea maximè displicere. Abigatur ista noua mors: illa nostris maioribus inaudita pestis, ne tanta damna animis corporibusq; inferat. sicut publica auctoritate sunt prouisiones annonæ salubris: ita & in vsu moderatio præscribatur, quæ valetudini ciuiû sit consentanea.

5

Nec desunt *crapulæ* exterminandæ etiam priuata remedia quibus quilibet apud se vti poterit; nimirum si viuât secundum naturæ simplicitatem, quæ paucis est contenta, teneatque medium sanctæ temperantiæ ex rationis præscripto, & assuescat non comedere amplius quàm vitæ necessitas postulet, certò sibi persuadens, illud amplius infirmitatem esse & mortem. Cogitet voluptatem palati momentaneam, sed noxam quam infert corpori & molestiam diuturnam,

cam.

eamq. tandem ipsum corpus vna cū anima
 perimere. Vidi ego multos ex meis amicis
 præstantissimi ingenij, & nobilis naturę, flo-
 renti ætate abreptos ista peste intemperan-
 tiæ, qui si viuerent, essent, & mūdo ornamen-
 to, & multis mortalibus solatio. Itaq. vt tan-
 tis dānis occurrā in posterū, statui hoc bre-
 ui discursu patefacere, *Intemperantiā* esse
 abusum, qui facilè possit tolli, vita sobria in
 eius locū introducta. Quod eò libentiùs faciā
 q̃ multi iuuenes ingenio præstantes me ad
 hoc obstrinxerunt. Cū .n. viderint paren-
 tes suos ætate florēti extinctos, & me in æta-
 te 81. annorū adēdō sanū, & valentem, inces-
 sit illis desiderīū eōdem perueniendi: meq.
 rogarunt, vt modū, quē ea in retenui, aperī-
 rē. Itaq. vt illorū honesto desiderio faciā sa-
 tis, & simul alios multos, qui hoc expēdere
 volent, iuuenem: declarabo causas quę me cō-
 pulerunt intemperantiā deserere, & vitam
 sobriam capeßere, narrando modum, quem
 ea in re secutus sum, & quidnam bonus iste
 vsus in me sit operatus. Hinc clarē cognosce-
 tur, quā facile sit, vitium intemperantiæ
 superare. Adiungam in fine, quantos fructus
 ex vita sobria capiamus.

Dico ergo, infirmitates, quæ non solū
 initia in me dederant, sed etiam magnos
 progressus fecerant, causam mihi præbuisse
 relinquendæ intemperantiæ, cui multū
 eram addictus. Per hanc enim & prauita-
 tem mei temperamenti (cū stomachus
 mihi esset frigidissimus, & humidissimus) in-
 ciderā in varios morbos, nēpe in dolorē sto-
 machi, & sæpè lateris, initiaq; podagræ, cū

6

Cause
 chram.
 eter vi
 tam so-
 briā so-
 ample-
 xus.

D

vna

vna febricula ferè cōtinua, & siti perpetua.
 Ex hac pessima dispositione non aliud mihi
 restabat expectandū, q̄ vt post. multas vitæ
 molestias ac dolores finē acciperē per mor-
 tē: cūm tñ vita mea tantū per naturā adhuc
 abesset à termino, quantū per intēperantiā
 ei erat propinqua. Cūm igitur hisce modis
 affectus essē ab anno 35. vīq; ad 40. ætatis
 meæ, adhibitis, & tēratis oībus remedijs abs-
 que fructu, dixerūt Medici, vnā adhuc meis
 malis superesse medicinā, si velim ea cōstan-
 ter vti, & patienter cōtinuare: nēpe *visā so-*
briam, & ordinatam: hanc habere maximam
 vim ad sanitatem recuperandam, & conser-
 uandam, sicut ei contraria maximam vim
 habet ad eam labefactandam, & extinguen-
 dam; vt ego iam experientia didiceram. Il-
 la enim homines prauæ complexionis, & æ-
 tate decrepitos conseruat sanos: hæc etiam
 ætate florentes, & perfectissimæ complexio-
 nis prostermit, & lōgissimo tempore in mor-
 bis detinet. Quod etiam ipsa ratio cōuin-
 cit. Nam contrariæ causæ contrarias habēt
 operationes, & effectus: vitia naturæ sæpē
 arte emendari; terrasq; steriles, & malignas
 mangonio agriculturæ reddi fertiles, & fru-
 ctiferas. Addebant, nisi tali remedio tunc
 vterer, intra paucos menses me cō red-
 ctum iri; vt amplius iuuari nequeam, & po-
 steā intra paucos alios moriturum. Auditis
 his rationibus, cūm abhorrerē à morte adeò
 præmatura, & premerer assidue morborum
 doloribus, persuasus fui, ex temperantia,
 & intemperantia necessariò supradictos cō-
 trarios effectus nasci debere; & spe bona vi-
 tandæ

tandæ mortis, & emergendi è doloribus, animatus, statui me dedere vitæ ordinatæ.

Itaque accepto ab illis modo quem deberem tenere, intellexi me non posse comedere aut bibere nisi è cibis, & vino, quæ vocantur infirmorum, idque in modica quantitate. Idem mihi antea mandarunt: sed ego tunc temporis cum modò meo vivere vellè, & tales cibos fastidirem, nō acquiescebam, sed vescebar cibis palato gratis, & cum sentirem internos, ardores, bibebam vina gustui amica, idq. magna copia: nec tamen ea de re quidquā Medicis dicebam, ut passim moris est infirmorum. Sed postquam statui sectari temperantiam, & rationis ductum, & viderem non esse rem difficilem, sed proprium, & debitum hominis officium, ita me addixi huic viuendi rationi, ut nunquam à recto tramite deflecterè. Quod cum facerè, paucos intra dies cœpi cognoscere, tali modo me plurimùm iuuari, eumq. continuâdo, intra spatiû temporis minus anno (etsi videri queat alicui incredibile) fui ab oîbus meis infirmitatibus prorsus immunis, & liber.

Sanus effectus, cœpi cōsiderare vim temperantiæ, & ita mecum reputare: Si temperantia tantas habuit vires, ut tâta mea mala profligaret, & sanitatē adduceret; multò magis vim habebit, ut mihi sanitatē conseruet & pravam meâ cōplexionem iuuet, & debile stomachû corroboret. Quapropter diligentissimè cœpi inuestigare, qui cibi proposito meo congruerèt, qui aduersarentur: & statui experiri, si illi qui gustui placent, mihi commodû an noxâ adferrent, & an prouer-

biū illud, quo homines gulæ dediti, se tuērī solent, *Quod sapit nutrit, & iuuat*, sic veritati cōsentaneū. Hoc cū facerē, deprehēdi esse falsum: nā vina fortia, & frigidissima optimē mihi sapiebant; similiter melones, & alij fructus, lactuca cruda, pilces, caro porcina, tortulæ, legumina, cibi ex pasta farinæ, & similes; tñ ex his omnibus nocuentū sentiebā. Itaq. experientia fretus, ciborū illa genera, & vina fortia, & potionē frigidam reliqui, assumpto vino quod stomacho meo esset cōmodū, eaq. mensura, quæ faciliē posset cōcoqui. Idē feci in cibis quod ad qualitatem, & quātitatē attinet; simul ita assuescens, vt nūquam appetitu cibi potiusve saturo ē mensa discederem, sed possem amplius comedere, & bibere; secutus ea in re dictū commune: *Se non satiare cibus, studium est sanitatis.*

Hac ratione submota intēperātia, me addixi vitæ sobriæ, & regulatæ: quæ primò in me operata est id q. dixi, nimirū vt interuallo minore q. vnus anni liberatus fuerim omnibus malis, quę tanto tēpore me obsederant, & redditæ erant quasi incurabilia: deinde vt in posterum nō amplius quotānis in morbū inciderē, sicut antea solitus erā, cū sēsis, & appetitu obsecundarē. Ab eo itaq. tēpore liberatus fui, & sanitissimus effectus, idq. mihi in hāc horā continuauit: nō q. à suscepta sobriæ vitę ratione numquā discesserim. quæ sua vi admirabili efficit, vt cibus & potus cōgrua mensura assumptus, vim suā corpori relinquat, & superflua sine difficultate exeant, nullo prauo humore in corpore generato.

10 Cum hac dixta, ab alijs quibuscū nocu-
men-

mentis mihi caui, nimirū à nimio calore, frigore, fatigatione, vigilijs, & ab excessu in opere cōiugali: itemq. ab habitatione noxij aeris, à ventis, & solis ardore. Et si. n. in mēsurā cibi, & potus ratio valetudinis potissimū cōsistat; tamen illa quoque quæ iā commo-
tata, suam vim habent. Seruavi me quoq. quantum potui immunem ab odio, & melan-
cholia, alijsq. animi perturbationibus, quæ magnā in corpora nostra vim obtinent. Non
tamen ita potui me ab omnibus istis seruare liberum, quin subinde in quēdā inciderem:
sed ea res mihi ad hoc adminiculo fuit, vt cognoscerē per experiētiā, illa nō magnam
vim habere, nec magna posse dārna inferre in corpora, quæ moderatoine cibi, & potus
benè sunt disposita: ita vt verē possim dicere
eos, qui in duobus istis, quæ per os intrant,
congruam mensuram seruauerint, ab alijs
excessibus parum nocuenti passuros. Con-
firmat id Galenus, cū ait, omnes alios ex-
cessus, v.g. solis ardorem, frigora, ventos, la-
bores, &c. parum ei nocuisse, eò quòd in
duobus illis, quæ per os intrant, nimirum in
cibo, & potu, debitam moderationem ser-
uaret; ac proinde ab illis incommodis num-
quam ægrotasse, nisi per vnum diem. Id ita
se habere, per experiētiā cognoui, sicut
testari possunt multi qui me nouerūt. Sæpē
enim passus frigora, calores, & alia huius-
modi corporis incommoda; sæpē animi non
modicas vexationes: sed parum hæc mihi
nocuerunt, cū tamen alijs qui temperatē
non viuēbant, nocuerint plurimū. Cū
enim frater meus, & alij quidam de mea fa-

milia viderent motam mihi à viris potenti-
bus litem maximi momenti, & metuerent
ne causa caderem, correpti sunt humore
melancholico, qui in corporibus vitæ inor-
dinatæ solet abundare, qui malignitate con-
tracta ita increuit, vt eis mortem præmatu-
ram attulerit. Ego verò, cui res maximè de-
bebat esse cordi, nihil passus sum incommo-
di; eò quòd talis humor in me non esset su-
perfluous: quinimmò vt mihi ipse animum
addiderem, conabar credere, diuina prouiden-
tia hanc litem mihi excitatam, vt cognosce-
rem quantam vim sobria vita in corporibus
animilq; nostris habeat, ac tandem me fore
victorē; sicut paulò post euenit. Nā in fine vi-
ctoriā retuli magno meo honore, & fructu
rei familiaris Vnde percepi maximū tū gau-
dium, quod tamen corpori nocumentū im-
ferre non potuit. Ex quibus perspicuum est,
neq. melancholiam, neq. alium animi affe-
ctū nocere posse corporibus vitæ tēperatæ.

- II Amplius dico, etiam contusiones, & læ-
pus, qui alijs periculum mortis adferre so-
lent, & grauissimè afficere, non posse nisi
modicum nocumentum, & modicum dolo-
rem talibus corporibus adferre. Hoc ita es-
se, experientia probaui cū essem septuage-
narius. Cū enim rheda celeriter procede-
rem, accidit eam euerti, & sic euersam per
aliquod spatium impetu equorum raptari.
Hinc grauiter mihi læsum caput, & corpus
vniuersum, & insuper alterum brachium, &
altera tibia suis iuncturis diuulsa. Domum
relatus, cū à Medicis viderer ad eò malè
muletatus, concluderunt me intra triduum esse

De vitæ sobriæ commodis. 79

se moriturū. Nihilominus posse in omnem
euentū adhiberi duo remedia, sectionē venæ
& medicamentū euacuans; vt humorū afflu-
xus, & inflāmatio, & febris (quæ certissimē
mox putabatur secutura) impediatur. Ego
contrā, cū scirē vitā meam ordinatam tot
annis continuatā, humores corporis mei ita
tēperasse, & dispensasse, vt non possent mul-
tū conturbari, aut confluxū grauē effice-
re, recusavi vtrumq. remediū, & solū iussi
vt tibiā, & brachiū suis iūcturis restituerēt,
& singulas partes congruis oleis vngerent:
sicq. absq. alio remedio cōualui, nullo alio
incommodo, nulla alteratione affectus: quæ
Medicis instar miraculi visa. Vnde conclu-
do, eos qui vitam temperatam colunt, pa-
rum mali ab alijs incommodis sensuros.

Sed, & hoc quoq. per experiētiā cognō-
ui; ordinatæ vitæ regulam diu obseruatam,
non sine grauissimo incommodo violari. Qua-
tuor iam anni sunt (accedit .n. cū 78. es-
sem annorū) cū Medicorū consilio, & meo
rum importunitate assidua inductus sum, vt
aliquid mensuræ consuetæ adijcerē. Varias
rationes adferebant: senilē ætatē non posse
tā modico cibo, & potu sustentari; neq. so-
lū dandā operā vt natura vtrumq. susten-
tetur, sed et robur, & vigorem habeat: idq.
nisi per cibum, & potum fieri nō posse. Ego
contrā naturā paucis esse contentā: me tot
annis modica illa mensura sanum perseue-
rasse: hanc consuetudinē mihi versam in na-
turam: rationi consonū esse, vt crescentibus
annis & viribus sensim decrecentibus, cibi
potusq. mensura minuat potius quā

12
Ordina
ta vi-
ta re-
gula
pericu-
lose ui-
latur.

augeatur; vt patiens sit proportionatū agentis: stomachi vim sensim fieri imbecilliorē. Huc pertinere duo prouerbia apud Italos vsitata. Alterū: *Qui multū vult comedere, comedat parum*: nimirū, quia parū comedēdo protrahit vitā. Alterum: *Plus inuat cibus qui superest comedendi, quā qui ab illo comestus*. Vbi infinuat, nocumentum immoderati cibi assumpti maius esse, q̃ sit cōmodum ex moderato. Verū hęc oīa, illis assiduē vrgentibus, me tueri non poterunt. Itaq. ne uiderer obstinatio-
 r, & vt amicis gratificarer, cessi tandē, & permisi mēsurā cibi augeri, sed duabus dum taxat vnciis. Cū. n. antea mēsuro cibi diurni totius, nimirū panis, vitelli oui, carnis, & minestreg̃ esset vnciarum 12. exactē pensata, auxi adiectis 2. vnciis ad 14 mensurā potus, quę vnciarū erat 14. auxi ad 16. duabus similiter vnciis adiectis. hoc augmentū post decem dies ita in me cōpit operari, vt ex læto, & alacri factus sim melancholicus, & cholericus, adeo. vt omnia mihi essēt molesta, nec scire quid dicerem aut facerē. Duodecimo die inuasit me dolor lateris, qui 12. horis durauit: deinde superuenit febris grauissima, quę 35. dies & totidē noctes cōtinuauit, etsi post quintūdecimū diē semper minor euaserit. Accedebat, q̃ interea tēporis non possē capere somnū, vel ad vnius horę quadrantem: vnde oēs iudicabant me moriturum. Nihilominus ego (Dei gratia) me curauī sola regula illa viuendi, etsi iā essem annorum 78. & hiems esset aurāq. frigidissima, & corpus extrema macie cōfectum. Mihiq; certū est, nihil aliud post Deū me à morte liberassē

De vitæ sobriæ commodis. 81

se, q̄ exatā illam vitæ regulam, tot annis à me continuatā: quo tempore vniuerso nihil mali sensi, nisi subinde aliquā indispositionē vnus aut alterius diei. tot. n. annorū temperantia, consumptis prauis humoribus, non permiserat alios malignos subnasci; neque probos corrumpi, aut malignam qualitatem contrahere, sicut in senum corporibus, qui absq. huiusmodi regula viuunt, euenire solet. Nulla in humoribus corporis mei senilis malignitas, quæ mortales occidere solet. Noua autem illa ex noua inordinatione, de qua dixi, introducta, vim non habuit (etsi malum esset grauissimum) ad me occidendum.

Ex his clarè perspici potest, quanta sit vis recti ordinis, & inordinationis, temperantiae inquam, & intemperantiae: quarum illa tot annos me sanum præstitit; hæc etsi exiguus ferit excessus, paucis diebus ita prostrauit. Si mundus ordine constat, si vita nostra corporalis pendet ab harmonia, & proportionē humorum ac elementorum: mirum non est, si ordine certa regula debeat conseruari; & inordinatione lædi ac destrui. Ordo disciplinas reddit faciliores: exercitum efficit victorem; regna, ciuitates & familias in pace retinet, & confirmat. Vnde ecclūdo, vitam ordinatam esse certissimam rationem, & fundamentum vitæ sanæ, & longæ; ac veram, & solam medicinam morborum plurimorum. Neque id quispiam negare potest, qui rem attentius inspexerit. Hinc Medicus cum infirmum visitat, hanc ei primam medicinam præscribit, ut

13
Vita sobria optima medici na morbum,

certa mensura cibum potumque sumat: eandem commendat iam curato, si sanitatem retinere desiderat. Neque dubitandum est, quin à morbis in posterum liber foret, si talem vitæ rationem teneret: quia omnes illa morborum causas refecaret, & ita nec Medicis nec medicamentis ei opus foret. Imò si animum ad ea quæ oportet, attendere velit, se ipse Medicum efficiet, & quidem perfectissimum. Nam re vera homo non potest esse alijs perfectus Medicus, sed tantum sibi soli. Cuius rei hæc est ratio. Quiuis enim diuersis experiētijs potest cognoscere naturæ suæ conditionem, suasque occultas proprietates: qualis cibus & potus, & quæ mensura naturæ suæ congruat. Hæc tamen non ita possunt cognosci in alijs: quia opus longa experientia, & obseruatione exactissima, quæ circa alios non facile habere possumus; præsertim cum maior sit diuersitas temperamentorum quam vultuum. Quis credat, vinum vetus nocere meo stomacho, & novum iuuare? Me pipere minus incallescere quam cinnamomo? Quis Medicorum has duas occultas proprietates mihi indicare potuisset, si ego longa experientia vix tandem eas deprehendere potui? Itaque alter alteri non potest esse perfectus Medicus. Unde cum homo non habeat meliorem seipso Medicum, nec melius medicamentum quam sobriam vitam, perspicuum est hanc omnino amplectendam.

24. *Medici* Non tamen negauerim quin Medici sint necessarii, & magnè pendendi ad cognoscendos
neces. & curandos morbos, in quos sæpè incurramus.
sanj. qui vitam ordinatam non sectantur. Si. n. a.
 micus,

De vita sobria commodis. 83

amicus, qui te visitat in morbo, & solum ver-
bis solatur, & compatitur, re tibi gratia pre-
stat: quãtò tibi charior debet esse Medicus,
qui instar amici te inuistit vt iuuat, remedia
adhibet, & salutẽ tibi promittit? Verũm vt
quis sanũ se cõseruet, sentio deberi amplecti
loco Medici vitã regulã, quã, vt experiẽcia
constat, est medicina naturalis, & nobis pro-
pria: quia etiã maligni tẽperamenti corpõra
conseruat sana, & efficit vt ad longũ quũ est
100. annorũ & amplius, vitam pro ferat, &
tandem absq. doloribus, & humorũ pertur-
batione vitã finiant, ac per purã humoris ra-
dicalis consumptionẽ, instar lãpadis extin-
guantur. Multi putarunt id posse fieri auro
potabili, & lapide philosophico (quẽ Elixir
vocat) à multis quãsitò, à paucis inuentò:
sed frustrã sunt, si vita temperata absit.

Verũm homines sensuales, & intemperan-
tes (quales pleriq. sunt) volentes suos appẽ-
titus satiare, & gulẽ indulgere, etsi videant
ab intemperantia se malẽ subindetractari:
nihilominũs vitam sobriam refugiũt. quia,
inquit, *Melius est obsequi appetitui, quã de-
cem annos minus viuere, quã naturam suã
assidue frænare.* sed non considerant quanti
momenti sint homini decem anni vitæ, &
sanæ vitæ in ætate matura, quã maximẽ
perficitur, & viget prudentia, & sapientia, &
omne virtutum genus, quẽ nisi in illa ætate
perfectẽ esse nequeunt. Et de ceteris taceã,
nõne omnes penẽ eruditissimi libri quos
habemus, à suis auctoribus ætate matura, &
illo decennio, quod illi præ gulẽ suẽ volu-
ntate nihili æstimant, conscripti sunt?

15

*Cur se
sibus de-
diti re-
fugiãt
vitã so-
briam.*

*Decem
anni vi-
tæ in
ætate
matura
Magni
pẽcũdi.*

16 *Nō es-* Præterea dicunt isti sensuū serui, vitā ordi
se rem natā rem esse adeò difficilem, ut seruari ne-
diffici- queat. Ad hoc respondeo, Galenū illā ser-
lem. uasse, & loco optimę medicine habuisse: Pla-
 tonē quoq. & Isocratem & Ciceronē, aliosq.
 plurimos veterum: & nostra ætate Paulū ter-
 tium, & Cardinalem Bembū, qui idcirco tā
 diu vixerunt: & è nostris Ducibus Landum,
 & Donatum; aliosq. plurimos inferioris. cō-
 ditionis, non solū in vrbe, sed etiā in vicis
 ac pagis. Itaq; cū multi olim illam tenuer-
 rint, & modò adhuc teneant, non est res quæ
 non à quolibet præstari queat: præsertim cū
 hic non sit opus multis aut exquisitis rebus,
 sed tātū vt quis incipiat, & sensim adsuescat.

Nec obstat q. Plato dicat, eos qui in Re-
 pub. versātur, nō posse vitā ordinatā tenere,
 quia sæpè opus est calores, & frigora, & ven-
 tos, & imbres, & niues ac varios labores ppe-
 ti, quę nō conueniunt vitę ordinatę. Respon-
 deo. n. huiusmodi incōmoda nō esse magni
 momenti (vt supra ostensum est) si vitā so-
 briam agas in cibo & potu: quā facile est iis,
 qui in Rep. versātur, & maximè cōueniēs: tū
 vt à morbis, qui functiones publicas impe-
 diūt, se præstent immunes: tū vt mente in oī-
 bus, quę occurrunt, negotiis magis vigeant.

17 Obiciunt aliqui: Qui vitā agit regulatā,
 comedendo semper infirmorū cibos, & exi-
 gua quantitate, quid faciet in morbis? qua-
 lē dixit capesser, cū eā anticiparit sanus?

Respondeo Primò: Natura, quę hominem
 nititur conseruare quantum potest, nos docet
 quomodo in morbis debeamus nos governa-
 re: nā subito tollit appetitum, vt non come-
 dat,

dat nisi parum : ipsa . n . paruo est cōtenta ;
Vnde infirmus siue antea vitā regulatā tenuerit, siue nō cū infirmus est, non debet uesci nisi cibis morbo congruentibus, idque multo minore mensura, quā cū esset sanus. Si enim priorem mensuram seruare uellet ; naturam , quæ iam morbo grauata est ac debilitata , opprimeret .

Secundò respondeo, & meliùs : Eum qui vitam sobriam sectatur , non posse in morbum incidere, imò raro, & exiguo tempore se sentiet indispositum: quia ratio illa viuendī sustulit mali causam. Causa sublata, tollitur quoque effectus, nempe morbus .

Quare cū vita ordinata adeò sit utilis, 18
deò virtuosa, pulchra & sancta; digna est quā *Vitā sobriā amplectendam .*
omnes amplectantur: præsertim cū facilis sit & hominis naturæ maximè consentanea. *plectendam .*
Nemo qui illā sectatur, astringitur ut rā parum comedat aut bibat q̃ ego: nemo uetatur uesci fructibus, pisce, & aliis, quibus ego nō uescor. Ego parum comedo, quia tantillum satis est paruo, & debili meo stomacho. Abstineo fructibus, pisce & similibus cibis, quia mihi nocet: qui uerò talibus iuuatur, potest, imò debent illis uti; tantū abest ut sint uetandi. Cuilibet tñ cauendum, ne maiorem quantitatem etiā cōmodissimi cibi, uel potus assumat, q̃ uenter ipsius faciliè possit concoquere. Vnde qui nullo cibi uel potus genere offenditur, ei sola quantitatis regula, nō qualitatis est seruāda. quæ res factu est facillima.

Nemo hic mihi obijciat, multos reperiri 19
qui etū inordinatissimè uiuunt, sani tamē ad ultimos vitæ terminos perueniunt; quia cū hæc

Quidā hæc res sit incerta, periculosa, & rarissima *ac*
inordi- cidat; non debet eius fiducia nos inducere ad
nate vi vitā inordinatā. Nō est prudētis, tantis se ex-
uantes pōnere morborū & mortis periculis ac incō-
diu sani modis, spe euentus felicitis, qui rarissimis ob-
minunt tingit. Magis securus est vitæ, senex prauæ
sed hi cōplexionis, tenens vitæ regulā; quā iuue-
rarissi nis robustissimus absque regula viuens. qui
mi. tamē probi est tēperamēti, potest cum recto
 vitæ ordine longiūs producere vitā, quā
 qui est prauī. Et potest interdum fieri, vt ho-
 mo sit tā boni & firmi tēperamenti, vt etiam
 absque tāta regula possit viuere sanus annos
 plurimos, & mori in extrema senectute p̄ pu-
 rā resolutionē: sicut Venetijs accidit procu-
 ratori Thomæ Cōtareno, & Paduæ viro no-
 bili Antonio Capo di vacca. Sed talem vix
 vnū inuenias inter centū millia. Vnde quod
 ad alios attinet, si quis ex illis diu sanus vi-
 uere exoptat, & absque dolore & molestia
 mori per resolutionē; necesse est vt ordinatā
 vitæ rationē teneat. Hoc enim modo, nō ali-
 ter, potest frui fructibus talis vitæ, q̄ sanē sūt
 plurimi, & singuli eorū maximi æstimandi.

20
Esse- Primò, quia efficit vt humores in corpore
Et vi sint puri & benigni: quò sit vt nō permittat
sa so- fumos, ē v̄triculo ad caput efferri Vnde vl-
bric. teriūs sequitur, vt tali hominī cerebrū sit pu-
 rū instar speculi, & mētē vbique vigeat. Ita-
 que facilē ex intimis istis & terrenis ad diui-
 narū rerū sublimes ascēdit consideratōnes,
 cū summa animi voluptate & cōsolatione;
 ea quæ cognoscit, quæ aliās numquā petuif-
 set cogitare: nimirū quāta sit Dei potentia,
 sapiētia & bonitas. Hinc descēdit ad naturā

De vita sobria commodis . 87

corporalē eamque cognoscit esse opus diuini. Videt & manu tangit ea quæ in alia ætate, & cerebro minus purgato non potuisset unquam videre vel tangere. Tunc videt turpitudinē vitij, in quod cadit is, qui affectus humanos nequit domare. Tunc cognoscit triplicē illā cupiditatē, quæ nos ab ineunte ætate comitatur, carnalis voluptatis, honoris, & diuitiarū; quæ in senibus vitæ intemperatæ crescere solet. Hanc is, qui non sensum & appetitum, sed rationis ductum longo usu consuevit sectari, facile temperat & cohibet: ita ut ab ea non magnopere infestetur. Deinde cum se videt ad terminum tendere, & resolutioni propinquum non concipit inde animo moerorē; quia cum sciat Dei beneficio, relicto vitio, sectatum virtutē, sperat per Christi Redemptoris nostri merita mori in eius gratia, & æterna frui beatitudine. Accedit quod videat se iam ad id ætatis peruenisse, ad quod paucissimi pertinent: & mortē propinquare non cum impetu & ex improviso cum acerbis doloribus, sed leni & benigno passu, solius humidi radicalis, qui instar olei lucernæ sensim minuitur, consumptione: quo fit ut ipse suauiter sine dolore, ab hac vita terrena & mortali, ad celestē & æternam transeat.

O sanctam & verē felicem vitam ordinatam, meritoque ab omnibus colendam: O infelicem & detestandam vitam inordinatā, quæ tantis malis genus replet humanum. Pulchra vox & amabilis, *Vita ordinata, sobrietas, temperantia*: sicut ē contrario foeditatem sonat, *Vita inordinata, crapula intemperantia*. Et tale discrimen inter hæc cernitur, quale

21
Laur. vi
ta so-
bria.

quale inter vocem *Angelus*, & *Diabolus*.

Haftenus explicui causas, per quas me ab intemperantia vindicaui, & vitæ sobriæ addixi, & modum quem in ea re tenui, & quid inde mihi acciderit: & commoda quæ illa suis affectis præstat.

Sed quidâ sensibus dediti, & parum rationi obsequentes obijciunt, non esse optatam longâ vitâ, tò q̃ post sexagesimum quintum ætatis annum, non possit dici. *Vita viua*, sed *Vita mortua*. Verùm hi errât, grauitèr, vt nûc ostendendâ ex me ipso, narrando mea oblectamenta, & voluptates, quas in hac mea ætate 83. annorum capio, quæ tales sunt, vt passim me homines felicem indicent. Prospera vtor cõtinuè valetudine, & ita sum agilis, vt ex plano facillè equû conoscédâ; & altos gradus, & colles sublimes pedibus subeâ. Deinde semper sum alacris, iucundus, & benè cõtentus, liber, animi turbelis, & omni molesta cogitatione: quorum loco gaudium & pax in corde meo suâ fixere stationem. Non me tēdet vitæ, quâ ego magna mea voluptate transigo. Sæpè offertur occasio colloquendi cum viris præstantibus, qui ingenio, moribus, literis, alijsq̃ virtutibus excellūt. Cùm talium deest copia, trado me lectioni alicuius libri eruditi, & postea scriptioni, id oĩbus inquirens, quo possim iuuare alios quantum vires meæ permittunt. Hæc oĩa facio pro meo cõmodo, & cõgruis temporibus, & in proprijs ædibus, quæ præterquâ q̃ sint in pulcherrima huius eruditæ ciuitatis (Paduæ inquam) regione, sunt valdè pulchræ, & cõmodæ, quales paucæ hæc ætate, secūdum rationē archi-

rectu.

*Ætas
senilis
multa
habet
oblecta-
menta.*

teſturæ ita à me fabricatæ, vt nō minus ad-
uerſus æſtum, q̃ frigus ſeruiant. Fruor ſimul
meis hortis, iſſq̃ diuerſis, aquarū currentium
riuſ ad latus deriuatis: in quibus magna ſa-
nè oblectatio. Furor aliquot mēſibus per an-
nū oblectatione collis in montibus iſtis Eu-
ganeis, vbi & ſōtes habeo & hortos, & domū
cōmodiſſimā. Fruor alia villa mea in plano
ſita, quę eſt pulcherrima: qui plurimę vię ita
diſpoſitæ, vt in mediā quādā aream benè am-
plā concurrant: in huius areæ medio Eccle-
ſia ſatis honorata pro loci cōditione Inter-
luitur hæc area fluuiio Brēta, vtrinq̃ magnis
cāpis adiacentibus, qui fertiles, & benè culti,
multiſq̃ habitaculis ornati. Antea nō ſic e-
rat; quia locus erat paluſoſus, & malè ſanus
beſtijs q̃ hominibus aptior: ſed ego aquas de-
dixi, terrā ſiccaui, & aerē bonū effeci, vnde
homines eō cōcurrerūt, & ædib. edificatis ha-
bitare cęperūt, ſelici ſucceſſu. Hoc mō locus
ad eū ſtatū, multiplicatis plurimū incolis p-
ductus eſt quē hodie videmus: vt poſſim ve-
rè dicere, me Deo dediſſe tēplū & altare, &
animas q̃ ipſū adorēt: cuius rei recordatio
maximū mihi adfert gaudium. Excurro et ā
quotannis ad aliquā è ciuitatibus vicinis, vt
amicorū fruatur aſpectu & colloquio, & præte-
reā artificum præſtantū in architectura, pi-
ctoria, ſculptoria, muſica, & agricultura, quę
lū hoc æuo magna copia. Inſpicio eorū ope-
ra, cōfero ea cū antiquis, & ſemper diſco ali-
quid, quod gratū noſſe. Luſtro palatia, hor-
tos & antiquitates, loca publica, tēpla & mu-
nitiones, nec quidquā omitto, vnde poſſim
diſcere, & voluptatē capere. Oblector quo-
que

que plurimum cum proficiscor, in ita & reditu cōsiderando pulchritudinē locorum, & eorū sitū: quorū alij in plano, alij in colle, vicini fluminibus vel fontibus, multis stru-
cturis & hortis exornati. Neque hæc oblectatio mihi sensu obtusione redditur minor; quia omnes mihi sensus perfectè vigent, præsertim gustus; ita ut simplex cibus quovis loco magis mihi sapiat, quàm olim, cum sensibus & vitæ inordinatæ deditus, omnes deliciæ. Lectorū mutatio nō mihi molesta: quovis loco benè & quietè somnum capio: somnia pulchra & iucunda. Sed hoc imprimis oblectat, quòd videā felicē exitū sortiri conatum illū, huic Reipub. utilissimū, quo tāta locorū incultorū spatia reducuntur ad culturā, meo suggestu, & cōsilio inchoatū. Fui ego vnus ex depuratis ad illius operis directionem, & mansi in locis illis palustribus duos menses cōtinuos in feruore æstatis: nec tamē inde sē si aliquid noxæ aut incōmodi. tanta vitæ sobriæ, quæ sēper & ubique me comitatur, est vis & efficacia. Præterea certò speramus videri inchoatā & finitā aliā molitionē nō minoris momenti, quæ cōseruetur nostrū æstuarium, maximū & admirabile munimen charæ patriæ: cuius cōseruationis ratio & modus à me (absit verbo iactantia) est excogitatus, & sæpius huic Reipub. suggestus, tū viva voce, tū scriptorū meorum lucubrationibus. Hæ sunt oblectationes & solatia meæ senectutis: qualis planè senectus multum præferenda est alterius iuuetutis & senio: cō quod per vitā sobriam, Dei gratia, ab animi perturbationibus, & morbis corporis sanata, nō sentiat ea incom-

incōmoda , quibus infiniti iuuenes & totidē
lāgudi senes miserē cōflīctantur . Sed & ex
hoc, quomodo corpore & animo sim dispo-
situs, cognōsci queat, quōd hac etate nempe
annorū 83. cōposuerim lepidissimā comœ-
diā, plenā honestis iocis, & verborū salibus;
quod genus poematis solet esse partus iuue-
tutis, cui ob varietatē & iucūditatē maximē
congruit: sicut tragœdia senectutis; cui ratio-
ne grauitatis & tristitū euentū quos propo-
nit, est accōmodata. Nūc si Grecus poeta lau-
detur, quōd anno 73. etatis tragœdiā conscri-
psit, & idcirco sanē mētis & prudēs iudicatus
est: cur ego minūs videar felix aut sani iudi-
cij, cū 10. annis illo senior confecerim cō-
mediā? Ne qua verō defit meę senectuti oble-
tatio, intueor assiduē speciē quādā immor-
talitatis in successione meorū posterorū. Cū
enim domum redeo, inuenio vndecim nepo-
tes, omnes vnus patris & matris filios, om-
nes sanissimos; oēs, quātū conijcere licet lit-
teris pariter ac bonis moribus aptissimos, &
valdē deditos. Recreor illorū cantu & bonis
morib⁹: & ipse cāto sēp enumerō, q̃a clarior
mihi nūc magisq; sonora vox, q̃ umq; antea .

Ex quibus perspicuū est, vitā, quā ego ui-
uo in hac etate, nō esse vitā mortuā, tristē,
morsā; sed viuīdā, letā, iucūdā. Neque si mi-
hi optio detur, uelim mutare etatē, & corpo-
ris mei statū cum iuuenili eorū qui sectātur
suos appetitus, etsi optimi sint tēperamenti,
& naturē robustissimæ : quia tales quotidie
sunt expositi mille morbis, & mortibus; sicut
quotidiana experientia docet, & ipse in me
sum expertus, cū iuuenis essem. Scio quā
illa

illa ætas sit inconsiderata, & ppter caloris abundantiam animosa, & sibi ubiq. præsiciens spe bona in omni re: tū ppter defectū experientia, tū quia se putant ad oīa satis firmos & validos. Vnde audacter se periculis quibus suis exponūt, & abacta ratione, traditoq; rationis imperio in manibus concupiscentiæ, quærunt ubiq. satisfacere suis desiderijs: nec advertunt miseri, se hac ratione multos morbos, ac sæpè mortem præmaturā sibi accersere. quorū malorum alterū est toleratu acerbū alterum intolerabile, & tremendū. Mors. n. apparet intolerabilis oībus sensuū, & carnis micipiis, & potissimū iuuenib⁹, quibus summum malum videtur, mori ante tempus. Eadem tremenda illis, qui peccata sua, quibus vita ista mortalis est plena, & vindictā diuinę iustitię, in penarū eternitate considerāt.

24

Ego verò contrā ab utroq. hoc malo sum immunis: à morborū metu; quia certus sum nō faciliē me posse in morbum incidere, morborum causis per sanctā medicinā sobrietatis excisis. A mortis anxio metu; quia tot annorum usu didici locum dare rationi. Vnde non solum turpe mihi videtur, timere id qđ vitari nequit: sed et spero cum ad illud punctum venero, non modicā, gratia Iesu Christi, sentire consolationem. Præterea finis iste adhuc procul abest. Scio. n. me (fortuneis euentibus sepositis) nō moriturum, nisi per purā resolutionem: eò qđ per vitę meę regulā oēs alios aditus morti occluserim. Pulchra, & desiderabilis mors, qđ natura nobis affert via resolutionis. Cū. n. natura vinculum vitę nostrę effecerit, facilius inuenit modum illius sol,

soluēdi, & dat maiores inducias, vt lenissimè
 soluat. Talis mors nō obuenit nisi post lōgissi-
 ma etatū spatia, & vi summe debilitatis; quæ
 sensim longo temporis tractu eò rediguntur
 homines, vt non possint ampliùs ambulare,
 nec etiā, nisi difficulter, ratiocinari. sunt quæ
 cæci, surdi, curui; à quibus malis per gratiā
 Dei video me adhuc procul abesse: & credo
 animā meā, quæ in huius mei corporis sta-
 tione nihil inuenit nisi pacem & concordia, *Vixit post eā*
 tum inter humores, tum inter sensum & ra- *multos*
 tionem, nō facilè ab ea recessuram, & multis *annos,*
 annis op⁹ fore, vt ab ea expellatur. Vnde vi- *nā an-*
 deor mihi certò posse cōcludere, me multos *no xcv.*
 adhuc annos victurū p⁹spera valetudine, fruē- *etatis*
 do huius mundi adspectu & pulchritudine, *tutus se*
 & sperando idem me facturū per gratiā Dei *nus &*
 in altero: idq; totum adminiculo virtutis, & *alacris*
 sãctæ sobrietatis; cui me adduxi, amicum me *alium*
 constituens rationi, & inimicam sensus, & *tracta-*
 appetitus. Quòd omnino cuilibet facile est *si ē di-*
 factu, qui vult viuere prout decet hominem. *dit.*

Superest ergo, cum vita sobria res sit adeò *25*
 felix, & nomen delectabile, possessio adeò fa- *Exhor-*
 cilis, conseruatio ita certa, & firma, vt oēs, *tatio ad*
 qui ingenio præditi, ex animo moneā, hor- *vitā so-*
 ter, & deprecet, & hunc opulentissimum vi- *briam.*
 tæ thesaurum obuiis vlnis amplectantur.
 Qui thesaurus sicut oēs alias opes huius mū-
 di superat (adfert enim nobis vitam longam
 & sanam) ita dignissimus est, quem omnes
 ament, inquirant, & possideant semper.

Hic thesaurus est sancta illa *sobrietas*, gra-
 ta Deo, amica naturæ, filia rationis, soror
 virtutis, socia vitæ temperatæ, modesta, no-
 bilis,

bilis, elegans, paucis contenta, ordinata, & suis functionibus distincta.

Ex ipsa tãquam radice nascitur uita, sanitas, alacritas, industria, rerũ honestarum studia, & omnes actiones dignę animo benè morato & cõposito. Ei fauēt leges diuinę & humane. Procul ab illa tamquã nebulę à sole, fugiūt repletio, saturitas, crapula, humores superuacanei, uapores noxij, intēperies, febres, dolores, mœrores, & mortis pericula. Sua pulchritudine allicit animos generosos, sua securitate promittit omnibus amicã & longã uitę cõseruationē: sua facilitate inuitat quẽlibet cũ exigua molestia ad obtinendas eius uictorias. Deniq; promittit se fore benignã custodē uitę tã diuitis quàm pauperis, tã maris quàm femine, tã senis quàm iuuenis. Diuitē docet modestiã, pauperē parsimoniã, uirũ continentiã, feminã pudicitiã, senē qua ratione mortē à se defendat, iuuenē ut firmiorē spē uitę habeat. Sobrietas sensus reddit purgatos, corpus agile, intellectũ uiuacē, animũ alacrem, memoriam tenacem, motus expeditos, actiones promptas & faciles. Per illã anima ueluti terreno pondere exonerata, experitur magna ex parte suam libertatem: spiritus suauiter per arterias discurrūt, sãguis blādē per uenas diffūdatur, & calor tēperatus ac blādus facit tēperatos & blādos effectus. Denique nostrę potētię pulcherrimo ordine seruāt gratissimã armoniã.

O sanctissima & innocentissima sobrietas, unicum naturę refrigerium, benigna mater humane uitę, vera tã animi quàm corporis medicina: quantũ te mortales lauda-

re, quāto affectu, & prōptitudine amplecti
 deberēt. quia præbes illis modū, quo maxi-
 mū huius vitæ bonū, vitā inquā, & sanitatē
 tueātur. Utinā ipsis tua bona perspecta foret *Ex alio*
 præsertim iis qui vitæ sanctæ, & spirituali de *tractat*
 diti, in monasteriis cōtēplationi, & orationi *tu pag.*
 vacā. Quantò, & ipsi, & eorū actiones sum *22.*
 mo Deu gratiores forent, si totos se ad te co *quēscri*
 lendā conferrent. Quantum hunc muncū, & *psit an*
 Ecclesiā Christi exornarent. Nā in terris a- *no eta.*
 stimarentur ut venē Patres sancti, sicut olim *ti, xcv.*
 habiti fuere antiqui Eremitæ, Religiosi, & *ad Reli*
 Episcopi: qui præter vitā spiritualē et hanc *giosos.*
 sobriā seruabant. Sicut hi viuendo hoc mo-
 do ultra 100. annos sæpēnumērō etatē ex-
 tenderunt, & multa miracula patrarunt: ita,
 & illi facerēt, eādē durē secuti. Essent præ-
 terea sani, cōtenti, alacres, vbi modò magna
 ex parte sūt morbidi, melācholici, inquieti,
 sua sorte nō cōtēti. Et quia aliqui dicūt istā
 illis à Deo immitti, ut exerceat illos. ū patiē-
 tiā, & ipsi pro peccatis suis penitentiā agāt:
 ego puto illos decipi: quia nō possū crede-
 re, * Deo placere ut homo opus, & imago ip ** Puta*
 sius, quē tātopere amat, viuat infirmus, me: *ex se,*
 lācholicus malè cōtētus: quin potius illi pla *& ordā*
 cet, ut viuat sanus, alacris, benè cōtētus. Sic *narie.*
 .n. viuebāt sancti Patres, & ita meliūs serue-
 bāt diuinæ Maiestati, orationibus, & sanctis
 operibus vacādo. O quā pulcher esset hic
 mundus, si tales essent religiosi huius tēpo-
 ris; quia nūc sunt plures religiones & plura
 monasteria quā olim erant: in quibus si re-
 gula sobriæ vitæ seruaretur, magnus esset ve-
 nerandorū senum doctrina & sanctitate emē

mentium numerus, quos orbis suspiceret. Neque idcirco deessent vitæ, ordini, & regulæ viuendi, quam religio vel monasterium statuit, sed potius hanc redderent perfectiorē. Nam in omni religione concessum vesci pane, & bibere vinum, & interdum vesci ouis, & in quibusdā permixta etiā caro: præterea variaz sorbitiones, acetaria, fructus, & odororum tortulæ; qui cibi sæpè illis nocent, & aliquibus vitam adimunt: sed quia ab Ordine concessi, illis vtuntur, cogitantes forsitan se peccaturos, si aliquid ex illis relinquerēt. Verum non peccarent, imò magnum bonum præstarent, si vbi trigesimum ætatis annum excessere, illos relinquerent, & inciperent viuere pane & vino, cum panatella ex pane & ouis cum pane. Hæc est vera ratio conseruandi hominem à prauis succis, & humoribus, malaq. complexione: estq. multò laxior q̃ illa sanctorum Patrum antiquorum in desertis, qui solum fructibus siluestribus & herbarum radicibus volvebantur, & aquā bibebant: & nihilominus diutissimè sani, alacres, & benè cōtenti vivebant. Idem eveniret religiosi huius ætatis, quibus est hac ratione faciliior esset ascensus in celū, quod omni fidei Christiano semper patet; postquam Dominus noster, sparso pro nostra redēptione suo pretioso sanguine, illud semel nobis aperuit.

Possem hic plura alia in commendationē vitæ sobrię in medium adferre: sed quia nō est mihi propositū conscribere panegyricū, finem facio, vt & ipse sim sobrius in hac causa; reliquis in aliam occasionem dilatis.

F I N I S.









